

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni pinerluttulerinermut inatsisip aamma eqqartuussisarnermut inatsisip allangortinneqarnerat pillugu Kalaallit Nunaanni inatsisip atuutsinneqalernernissaannut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut (Tarnikkut napparsimasut pineqaatissinneqarnikkut uninngasut aamma meeqqanik il.il. video aqqutigalugu apersuisarneq pillugit Kalaallit Nunaanni tarnikkut nappaatinut inatsimmik atuisarneq)

MISSINGIUT

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnerannik inatsisissamut siunnersuut (Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisaata tarnimikkut nappaatilinnut pinerluuteqarsimasunut aamma meeqqat video atorlugu killisiorneqarnerannut il.il. atorneqarsinnaanera)

§ 1

Kalaallit Nunaanni pinerluttulerinermi inatsimmi, inatsit nr. 306 ulloq 30. april 2008-meersumi makku allangortinneqassapput:

1. § 2-mi qallunaatuani “anvendelse” imaalillugu allangortinneqassaaq: “anvendes”.
2. Inatsisip qallunaatuani § 109, nr. 2-mi ”forstillelse” allangortinneqassaaq imaalillugu: ”forstikkelse”.
3. § 119, imm. 1-imi nr. 7-itut ilanngunneqassaaq:
”7) Pineqaatissinneqarsimasunut inissiisarfimmut inissinneqarneq, tak. kapitali 31.”
4. Kapitali 47-ip kingornanut kapitalitut nutaatut ilanngunneqassaaq:

”Kapitali 47 a

Nappaatillit pinerluttulerinermi inatsisip naapertorlugit aalajangiinerit malillugit inissinneqarsimasut

§ 263 a. Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisaanni malittarisassat qanoq annertutigisumik taamaaqataanik pineqartunut, pinerluuteqarsimasunuk eqqartuussisarnermi inatsisini periarfissat atorlugit eqqartuussiviup aalajangiinera naapertorlugu, tarnikkut napparsimasunut immikkoortortaniittunut atuutsinneqassa-nersut Inatsisinik atortitsinermut ministeri malittarisassiussaaq.”

§ 2

Kalaallit Nunaanni eqqartuussisarnermik inatsimmi, inatsit nr. 305, ulloq 30. april 2008-meersumi, inatsisikkut nr. 1388-ikkut, ulloq 23. december 2012-imeersukkut allanngortinneqartumi, makku allanngor-tinneqassapput:

1. § 315, imm. 1, oqaaseqatigiit aappaanni ”nalunaarutiginnineq” kingornanut ilanngunneqassaaq: ”, imaluunniit § 582, nr. 1 imaluunniit 2, malillugit suliassap suliareqqinneqarsinnaaneranut piunasaqaatit naammassineqarsimappata.”

2. § 321-ip kingornanut ilanngunneqassaaq:

”§ 321 a. Politiit videumut immiunneqartumik (video atorlugu killisiorneqarneq) meeqqamik killisiuinerat eqqartuussissutissap isu-maqatigiinniutigineqarnerani uppersaatissatut atorneqarsinnaasutut naatsorsuutigineqarpat, taava killisiuisoqartinnagu pineqartoq pasineqartoq unnerluutigineqartorluunniit imaluunniit kingusinnerusukku pasineqarluniluunniit unnerluutigineqarsinnaasoq, pineqartoq nammineq illersuisussaminik toqqaasimangippat imaluunniit illersuisussatut toqqaarneqarsimasoq takkutinngitsoorpat, pineqartup illersuisussaanik toqqaasoqassaaq.”

3. § 340-p kingornanut qulequttap siornanut § 341 sioqqullugu ilanngunneqassaaq:

“Meeqqat videukku killisiorneranni periusissaq

§ 340 a. Politiit videumut immiunneqartumik meeqqamik killisiuinerat eqqartuussissutissap isumaqatigiinniutigineqarnerani uppersaatissatut atorneqarsinnaasutut naatsorsuutigineqarpat, taava illersuisoq video atorlugu killisiuineranut najuutissaaq.

Imm. 2. Pineqartoq pasineqartoq unnerluutigineqarsimasorluunniit video atorlugu killisiuinermik malinnaatinneqarsinnaangilaq. Pine-qartoq piaarnerpaamik periarfissinneqassaaq illersuisuni peqatigalugu video atorlugu immiussamik politeqarfimmi isiginnaarnissaminut. Meeqqap killisioqqinneqarnissaanik pasineqartoq unnerluutigineqartorluunnit, taassumaluunniit illersuisua, piunasaqassappat, taamatut piunasaqarneq videumik isiginnaarnerup kingorna piaarnerpaamik saqqummiunneqassaaq.”

4. § 344, imm. 2, oqaaseqatigiit aappaanni ”kiisalu §§ 417-427” atorunnaarput.

5. § 344, imm. 1-imi oqaaseqatigiit aappaata kingornanut ilanngunneqassaaq:

”Tamanna aamma atuutissanngilaq meeqqap killisiorneqarnissaa siunertaralugu eqqartuussinissamat piareersarnerni, eqqartuussiviup § 155, imm. 3 malillugu aalajangersimappagu killisiuineq videumut immiunneqassasoq.”

6. § 467-ip kingornanut ilanngunneqassaaq:

”§ 467 a. Killisiuineq videumut immiunneqarsimappat (video atorlugu killisiorneqarneq) politiit meeqqamik killisiuinerat eqqartuussissutissap isumaqatigiinniutigineqarnerani uppersaatitut atorneqarsinnaavoq.”

§ 3

Imm. 1. Inatsit ulloq 1. juli 2014 atuutilissaaq.

Imm. 2. Tarnikkut napparsimasut napparsimmavimmiitinneqartarne-rat pillugu inatsit nr. 118 ulloq 3. april 1938-meersoq atorunnaarsinneqarpoq.

Imm. 3. § 2, nr. 1 taamaallaat atuutissaaq unnerluussutip tunuartinne-qarneranik aalajangiinernut inatsisip atuutilernerata kingorna pisunut.

Inatsisissatut siunnersuummut nassuiaatit
Nalinginnaasumik nassuiaatit

Imarisaanut takussutissiaq

1. <i>Aallaqqaasiut</i>	6
2. <i>Tarnikkut napparsimasut pinerluuteqarsimasut</i>	6
2.1. <i>Inatsisit atuuttut</i>	6
2.1.1. <i>Danmarkimi tarnikkut napparsimasut pillugit inatsisit</i>	6
2.1.2. <i>Kalaallit Nunaanni tarnikkut napparsimasut pillugit inatsisit</i>	6
2.2. <i>Inatsisinik atuutsitsinermut ministeriaqarfiup isumaliutai..</i>	11
3. <i>Unnerluutiginninnerup atorunnaarsinneqarneranik allanngortitsineq</i>	12
3.1. <i>Inatsisit atuuttut</i>	12
3.2. <i>Inatsisinik atuutsitsinermut ministeriaqarfiup isumaliutai..</i>	14
4. <i>Meeqqanik video atorlugu killisiuineq</i>	15
4.1. <i>Meeqqanik video atorlugu killisiuineq qulliunerusumik</i>	15
4.1.1. <i>Danmarkimi meeqqanik video atorlugu killisiuisarnerit</i>	15
4.1.2. <i>Kalaallit Nunaanni meeqqanik video atorlugu killisiuisarnerit</i>	17
4.2. <i>Inatsisinik atuutsitsinermut ministeriaqarfiup isumaliutai</i>	18
4.2.1. <i>Nalinginnaasumik isumaliutit</i>	18
4.2.2. <i>Illersuisussamik toqqaasarneq taassumalu najuunnera</i>	19
4.2.2.1. <i>Inatsisit atuuttut</i>	19
4.2.2.2. <i>Aaqqissuussineq siunnersuutigineqartoq</i>	20
4.2.3. <i>Pasineqartup/unnerluutigineqartup video atorlugu killisiuineramik malinnaatinneqarsinnaatitaanera</i>	21
4.2.3.1. <i>Inatsisit atuuttut</i>	21
4.2.3.2. <i>Aaqqissuussineq siunnersuutigineqartoq</i>	22
4.2.4. <i>Video atorlugu killisiuinerup uppernarsaatit atorneqarsinnaanera</i>	23
4.2.4.1. <i>Inatsisit atuuttut</i>	23
4.2.4.2. <i>Aaqqissuussineq siunnersuutigineqartoq</i>	24
4.2.5. <i>Eqqartuussinermut atatillugu video atorlugu killisiorneqarneq immikkut</i>	25
4.2.5.1. <i>Inatsisit atuuttut</i>	25
4.2.5.2. <i>Aaqqissuussineq siunnersuutigineqartoq</i>	25
5. <i>Pisortanut aningaasatigut allaffissornikkullu kingunerisassai</i> ..	26
6. <i>Inuussutissarsiornermut il.il. aningaasatigut allaffissornikkullu kingunerisassai</i>	26
7. <i>Innuttaasunut allaffissornikkut kingunerisassai</i>	26
8. <i>Avatangiisinut kingunerisassai</i>	26
9. <i>EU-mi inatsisinut pissutsit</i>	27
10. <i>Eqikkaalluni takussutissiaq</i>	27
11. <i>Oqartussat il.il. tusarniaavigineqartut</i>	27

1. Aallaqqaasiut

Inatsisissatut siunnersuut Kalaallit Nunaanni pinerluttulerinermi inatsimmi eqqartuussisarnermilu inatsimmi allannguutissatut siunnersuutini arlalinnik imaqarpoq. Inatsisissatut siunnersuut pingaarnerusunik pingasunik siunertaqarpoq.

Siunertarineqartut ilagaat pinerluttulerinermi inatsimmi piginnaatitsinerlut aalajangersakkamik ilanngussinissaq, taamaalilluni tarnikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu Inatsisartut inatsisaat nr. 24, ulloq 3. december 2012-imeersoq inatsisinik atoritsinerlut ministerip sukumiinerusumik aalajangiineratigut tarnimikkut nappaatilinnut pinerluuteqarsimasunut aamma atorneqarsinnaasunngorlugi, sukumiinerusumik ataani imm. 2 takujuk.

Taamatuttaaq siunertarineqarpoq unnerluussinernik taamaatinneqartunik allanngortitsisarnermik eqqartuussisarnermik inatsimmi malittarisassat annertusineqarnissaat, taamaalilluni aalajangiinerit taamaattut allanngortitsinissamut piffissaliussap qaangiutereernerani allanngortinneqarsinnaasunngorlugit, suliassap suliareqqinneqarnissaanut piumasaqaatit naammassineqarsimappata, sukumiinerusumik ataani imm. 3 takujuk.

Kiisalu pingajuattut siunertarineqarpoq meeqqat video atorlugi immiunneqarlutillu killisiorneqarsinnaanerat pillugu malittarisassanik eqqartuussisarnermik inatsimmut ilanngussinissaq danskit eqqartuussisarnermut inatsisaanni malittarisassanut naapertuuttumik, sukumiinerusumik ataani imm. 4 takujuk.

Inatsisissatut siunnersuut tamatuma saniatigut pinerluttulerinermi inatsimmi eqqartuussisarnermullu inatsimmi oqaasertanik iluarsisutissanik ataasiakkaanik imaqarpoq.

2. Tarnikkut napparsimasut pinerluuteqarsimasut

2.1. Inatsisit atuuttut

2.1.1. Danmarkimi tarnikkut napparsimasut pillugit inatsisit

2.1.2. Kalaallit Nunaanni tarnikkut napparsimasut pillugit inatsisit

Inuit tarnikkut nappaatillit napparsimmaviinnerat pillugu inatsit nr. 118, 13. april 1938-meersukkut (1938-mi inatsit) Danmarkimi tarnikkut napparsimasut pillugit inatsit siulleq Folketingimit akuerineqarpoq. Inatsimmiippat inuit tarnikkut nappaatillit piumasaannut akerliusumik unitsinneqarnissaat tigummigallarnissaallu pillugit maleruagassat erseqqinnerusut. Aamma inatsimmiippat inuit taakku inatsisitigut isumannaatsuunissaanissaasa qulakkeerinissamut aalajangersakkat, tassunga ilanngullugu nakkutilliisumik pinngitsoorani pissarsinissaq pillugu maleruagassat. Taakku saniatigut aamma inatsimmiippat taakkununga naatsorsuussanut napparsimmavinni inissiisarfinniluunniit (ullumikkut Region Sjællandimi Retspsykiatrisk afdelingimi Isumannaarsakkamik inissiisarfik) inunnik ulorianarluinnartunik inissiisarneq pillugu maleruagassat immikkuullarissut.

1938-mi inatsit tamatuma kingorna allanngortinneqarpoq, ilaatigut inatsit nr. 175, 11. juni 1954-meersukkut, taamaalilluni eqqartuussivinni misiliisinnaaneq pillugu maleruagassat ilanngunneqarlutik. Inatsimmi aalajangersakkat allaffissornikkut najoqqutassanik arlalinnik

ilaneqarput, tassunga ilanngullugit pinngitsaaliissummik katsorsaasinnaaneq aamma pinngitsaaliissummik aaqqiinerit aamma illersuineri atortut atorneqarsinnaaneri pillugit.

1983-mi Inatsisunik atortitsinerit ministeriaqarfik inuit tarnikkut nappaatillit inatsisitigut inissisimanerannut tunngatillugu suleqatigiissitamik pilersitsivoq. Ataatsimiititaliap inuit tarnikkut nappaatillit napparsimmavimmiinneri pillugit inatsit allanngortittariaqarnersoq isumaliutigissavaa, taamaattoqassappallu iluarsiiisutissamut nutaamik missingersuusiussallutik. Ataatsimiititaliap tarnikkut nappaateqartut pinngitsaaliissummik iliuuseqarfigineqartarneri pillugit tunngaviusumik isumaliutissiissut 1986-mi saqqummiuppaa (isumaliutissiissut nr. 1068/1986) 1987-milu tarnikkut nappaatillit nammineersinnaajunnaarsitaasarneri allatigullu pinngitsaaliissummik iliuuseqarfigineqartarneri pillugit inatsisip nutaap ilusilerneru pillugu oqaaseqateqarluni (isumaliutissiissut nr. 1109/1987).

Ataatsimiititaliap sulineru tunuliaqutaralugu tarnikkut napparsimasut pillugit inatsit nutaag Folкетинimit 1989-mi akuerineqarpoq (tarnikkut nappaatillit nammineersinnaajunnaarsitaasarneri allatigullu pinngitsaaliissummik iliuuseqarfigineqartarneri pillugit inatsit nr. 331, 24. maj 1989-meersoq (tarnikkut napparsimasut pillugit inatsit)). Taanna – kingusinnerusukkut allannguuteqartoq – tarnikkut napparsimasut pillugit inatsit 1989-meersoq, ullumikkut Danmarkimi atuuttuuvuq.

Tarnikkut napparsimasut pillugit inatsimmi tarnikkut nappaatilinni pinngitsaaliissummik iliuuseqarfigineqartarnerup atorneqartarneru pillugu sukumiinerusunik maleruagassanik aalajangersaasoqarpoq. Tamanna nammineersinnaajunnaarsitaasarnermut atuuppoq, kisianni aamma tarnikkut nappaatilinni allatigut pinngitsaaliissummik iliuuseqartarnermut aamma naleqqiullugu, tassunga ilanngullugu pinngitsaaliissummik katsorsaaneq, 1938-mi inatsimmi toqqaannartumik ilaatinneqarsimannigut, taamaallaalli allaffissornikkut najoqqutassianut atatillugu ilaatinneqarsimasut. Inatsimmi aamma aalajangersarneqarput pinngitsaaliissutit atorneqartut nakkutigineqarneri misilinneqarnerilu pillugit maleruagassat annertunerusut, soorlu aamma pinngitsaaliissutit killeqartinnissaannik imaluunniit pitsaaliorneqarsinnaanerinik siunertaqartunik aalajangersakkanik inatsit imaqartoq, tassunga ilanngullugu paasissutissiilluni akuersititsineq, katsorsaaniissamut pilersaarutit aamma ”minnerpaamik sakkoqarnermik” tunngaveqarneq pillugit aalajangersakkat.

Tarnikkut napparsimasut pillugit inatsit taakku saniatigut § 42-mi tarnimikkut napparsimasut pillugit inatsimmi malittarisassat qanoq annertutigisumik taamaaqataanik pineqartunut, pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalangiinera naapertorlugu, tarnikkut napparsimasunut immikkoortortaniittunut atuutisneqassanersut Inatsisunik atortitsinerit ministeri malittarisassaliornissamut pisinnaatitaavoq.

Tamatuma kingunerisaanik Inatsisunik atortitsinerit ministerip pinerluuteqarsimasunik eqqartuussisarnermi inatsimmi aalajangiineq malillugu inuit tarnikkut nappaatilinnut immikkoortortami inissinneqarsinnaaneri pillugit nalunaarut nr. 1414, 10. december 2010-meersoq atulersippaa. Nalunaarut naapertorlugu pillaasarnermi inatsimmi § 68 imaluunniit § 69 (tarnikkut napparsimasunut inatsisunik unioqqutitsisimasunut pineqaatissiinerit) imaluunniit eqqartuussisarnermi inatsimmi § 765 (paarnaarussivimmu assingusumi inissinneqarneq), § 777 (tarnikkut napparsimasunut immikkoortortami paarnaarussivimmi inissinneqarneq) imaluunniit § 809, imm. 2 (eqqarsartaatsikkut misissugassanngorlugu unitsitsineq) malillugu aalajangerneqarsimasut pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalangiinera naapertorlugu, tarnikkut napparsimasunut immikkoortortaniittunut tarnikkut napparsimasut pillugit inatsimmi maleruagassat atuutissasut. Tamannali pinngitsaaliissummik unitsitsineq,

pinngitsaaliissummik tigummigallartitsineq, angerlartinneqarnerup kingorna utertinneqarneq imaluunniit pinngitsaaliissummik malitseqartitsineq pillugu tarnikkut napparsimasut pillugit inatsimmi maleruagassani atuutinngilaq. Inatsisip napparsimasut siunnersorteqarneri pillugit maleruagassat aamma taamaallaat pineqartoq pillaasarnermi inatsimmi § 71 malillugu ikiorteqanngippat atuutissaaq.

Tarnikkut napparsimasut pillugit inatsimmi maleruagassat nalinginnaasut saniatigut inatsimmiippat aamma inuit ulorianaateqarluinnartut inissinneqarneri pillugit immikkut maleruagassat (§§ 40-41 a). Maleruagassat taakku ilaatigut malitsigisaannik inatsisinik atortitsinermut ministeri immikkut pisoqartillugu, annikitsumik aaqqiinerit naammatsinnagit, aalajangiisinnaavoq, inuk tarnikkut napparsimasoq, aamma ataavartumik allat inuunerannik imaluunniit timikkut ilungersunartumik ulorianartorsiortitsisoq, Region Sjællandimi Retspsykiatrisk afdelingimi Isumannaarsakkamik inissiisarfimmi inissinneqassasoq.

2.1.2. Kalaallit Nunaanni tarnimikkut napparsimasut pillugit inatsisit

1980-mi Nuummi Dronning Ingridip Napparsimmavissuani ammasumik tarnikkut napparsimasunut immikkoortortami pilersitsisoqarnissaata tungaanut tarnikkut napparsimasunik katsorsagassanngorlugit pinngitsaaliissummik unitsitsinerit Danmarkimi tarnikkut napparsimasunut immikkoortortani taamaallaat pisarpoq. Kalaallit Nunaanni taamaallaat Danmarkimi katsorsagassanngorlugit nuunneqarnissai siunertaralugu utaqqiisaasumik aaqqiinissamut periarfissaqarpoq.

Nuummi Dronning Ingridip Napparsimmavissuani ammasumik tarnikkut napparsimasunut immikkoortortami pilersitsisoqarneranut atatillugu 1938-mi inatsit inatsit nr. 259, 27. maj 1081-imeersukkut Kalaallit Nunaannut atulersinneqarpoq. Aammattaaq allaffissornikkut najoqqutassatigut Dronning Ingridip Napparsimmavissuani tarnikkut napparsimasunut immikkoortortami unitsitsinissamut, najugaqarnissamut katsorsartinnissamullu erseqqinnerusunik najoqqutassanik aalajangersaasoqarpoq.

Tarnikkut napparsimasunut tunngasoq 2008-p tungaanut naalagaaffiup suliassarisimavaa. Peqqinnissaqarfik pillugu inatsisip allanngortinnera pillugu inatsit nr. 1406, 27. december 2008-imeersukkut tarnikkut napparsimasuni pinngitsaaliissutip atornerqarnera pillugu maleruagassanik aalajangersaanissamut piginnaatitsineq – inunnik ulorianarluinnartunik inissiisarneq aamma pinerluuteqarsimasunik eqqartuussisarnermi inatsisini periarfissat atorlugit aalangiineq naapertorlugu napparsimasunik unitsitsinerit pillugit maleruagassat ilanngunnagit – Namminersornerullutik Oqartussanut nuunneqarpoq. Peqatigisaanik inatsimmi aalajangersarneqarpoq 1938-mi inatsit Kalaallit Nunaannut atuukkallassasoq, Namminersornerullutik Oqartussanit allanngortinneqarnissaata imaluunniit maleruagassatigut atorunnaarsinneqarnissaata tungaanut.

Namminersorlutik oqartussat mannakkut tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut Inatsisissaattut siunnersuut nr. 24, 3. december 2012-imeersukkut (Kalaallit Nunaanni tarnikkut napparsimasut pillugit inatsit) immikkoortumi maleruagassanik aalajangersaapput. Inatsisip atulersinneratigut peqatigisaanik 1938-mi inatsisip ilaa, namminersorlutik oqartussanit akisussaaffigineqartut, atorunnaarsinneqarpoq.

Kalaallit Nunaanni tarnikkut napparsimasut pillugit inatsit danskit tarnikkut napparsimasut pillugit inatsimmit isumassarsiaavoq, kisiannili immikkoortuni arlalinni Kalaallit Nunaanni pissutsinut naleqqussagaalluni.

Kalaallit Nunaanni tarnikkut napparsimasut pillugit inatsisip piareersarneqarneranit takuneqarsinnaavoq inatsisip siunertaa tassaasoq nammineersinnaajunnaarsitsinernut aamma pinngitsaaliissummik katsorsaanernut il.il. atatillugu napparsimasut inatsisitigut inissisimanerannik nukittorsaanissaq, peqatigisaanillu qulakkiissallugu napparsimasut nammineq katsorsartinnerminnut uninngaminerminnullu sapinngisamik ilanngutitinneqarlutillu sunniateqartinneqassasut.

Inatsimmi kapitali 1-ip malitsigisaanik tarnimikkut nappaatilinnik napparsimavimmuut unitsitsineq uninnganerup nalaanni katsorsartinnermilu nammineersinnaajunnaarsitsineq allatigullu pinngitsaaliissummik iliuuseqarneq, taamaallaat Dronning Ingridip Napparsimavissuani tarnimikkut nappaatilinnut immikkoortortaqaarfimmi ingerlanneqarsinnaasoq aamma tarnikkut napparsimasut pillugit inatsimmi maleruagassat kisimik malinneqassasut. Taamaattorli peqqinnissaqarfiup napparsimmaviini allani sivikitsumik pinngitsaaliissummik unitsitsisoqarsinnaavoq Dronning Ingridip Napparsimavissuani tarnikkut napparsimasunut immikkoortortaanut nuunneqarnissaq siunertaralugu.

Inatsimmi kapitali 2-4-mi pinngitsaaliissutip atorneqarnera pillugu aalajangersakkanik nalinginnaasunik imaqarpoq aamma nammineersinnaajunnaarsitsineq pillugu piumasaqaatinik erseqqinnerusunik aalajangersaalluni (pinngitsaaliissummik unitsitsineq, tigungmigallagassanngortitsineq aamma utertitsineq) aamma pinngitsaaliissummik iliuuseqarneq. Inatsimmi kapitali 6-mi allatigut pinngitsaaliissummik atuineq malittarisassaqaartinneqarpoq (pinngitsaaliissummik aalaakkiineq, nukersorfiginninneq, napparsimasumik illersuiniarluni aalaakkiineq, immikkut nakkutilliineq aamma immikkoortortami matunik paarnaarsineq). Inatsimmi kapitali 7-mi allakkanik, ininik napparsimasut uninngaviinik pigisaannillu misissuineq, timi satsillugu misissuineq pigisanillu arsaarinninneq suujunnaarsitsinerlu pillugit maleruagassanik aalajangersaasoqarpoq. Inatsimmi kapitali 8-mi pinngitsaaliinernik nalunaarsuisussaataaneq pinngitsooranilu pinngitsaalisat malinnaaffigalugit naliliinissaq malittarisassaqaartinneqarput, aamma kapitali 9 napparsimasunut siunnersortit pillugit maleruagassanik imaqarluni. Inatsimmi kapitali 10-11 ilisimatitsineq maalaaruteqarnissamut assingisaannullu ilitsersuineq aamma maalaaruteqarsinnaaneq eqqartuussivilersuussisinnaanerlu pillugit maleruagassanik imaqarpoq. Inatsimmi kapitali 5-mi tarnikkut napparsimasunut immikkoortortamiit angerlartitsinermut atatillugu malittarinninneq pillugu maleruagassanik imaqarpoq.

Qulaani taaneqartutut tarnimikkut nappaatillit pinerluuteqarsimasut pillugit maleruagassanik aalajangersaanissamut piginnaatitsissut namminersorlutik oqartussanut nuunneqarsimangilaq, aamma Kalaallit Nunaanni tarnikkut napparsimasut pillugit inatsit taamaattumik inunnut taakkununga atorneqarsinnaanani. Kalaallit Nunaanni tarnimikkut nappaatilinnut pinerluuteqarsimasunut tarnikkut napparsimasuni pinngitsaaliissutip atorneqarnera taamaalilluni 1938-mi inatsimmi maleruagassat malillugit suli ingerlanneqarpoq.

2.2. Inatsisinik atuutsitsinermut ministeriaqarfiup isumaliutai

Tarnikkut napparsimasut pillugit inatsisip nutaap namminersorlutik oqartussanit akuerineqarneratigit 1938-mi inatsit malillugu inatsisitigit inissisimanermut naleqqiullugu kalaallit tarnimikkut napparsimasut inatsisitigit inissisimanerat nalinginnaasumik pitsaanerulersinneqarpoq. Akuersinerli aamma imatut isumaqarpoq, tarnikkut napparsimasunut nalinginnaasunut tarnikkut napparsimasuni pinngitsaaliisarnermik atuineq Kalaallit Nunaanni tarnikkut napparsimasut pillugit inatsit nutaaq malillugu ingerlanneqassasoq tassani inatsisitigit isumannaatsuuneq atuutsillugu, kisiannili pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalangiinera naapertorlugu napparsimasunut uninngasunut pinngitsaaliissummik iliuseqarnermik il.il. atuineq 1938-mi inatsimmi ullutsinnut naleqqutinngitsunik maleruagassat malillugit pisussaallutik.

Inatsisinik atortitsinermut ministeriaqarfik isumaqarpoq tarnikkut napparsimasut pinerluuteqarsimasut sapinngisamik tarnikkut napparsimasut allat assigalugit inatsisitigit inissisimasariaqartut.

Inatsisinik atortitsinermut ministeriaqarfiup taamaattumik siunnersuutigaa Kalaallit Nunaanni tarnimikkut napparsimasut pillugit inatsimmi aalajangersakkamik ilanngussisoqassasoq, taanna naapertorlugu inatsisinik atortitsinermut ministeri pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalangiinera naapertorlugu napparsimasunut tarnikkut napparsimasunut immikkoortortami uninngasunut atuutsinneqartut assingi Kalaallit Nunaanni tarnikkut napparsimasut pillugit inatsimmi maleruagassat qanoq annertutigisumik atuutsinneqassanersut pillugit maleruagassanik aalajangersaanissamut piginnaatinneqalerluni.

Aalajangersagaq siunnersuutigineqarpoq pinerluttulerinermi inatsimmi § 263 a-mi nutaatut ikkunneqassasoq.

Aalajangersagaq siunnersuutigineqartoq tarnikkut napparsimasut pillugit danskit inatsisaanni § 42-mut assiguvoq, tak. qulaani immikkoortoq 2.1.1.

§ 263 a-mi aalajangersakkap siunnersuutigineqartup atulersinnerata peqatigisaanik siunnersuutigineqarpoq 1938-mi inatsisip ilai, namminersorlutik oqartussanut nuunneqarsimanngitsut, atorunnaarsinneqassasut. Inatsisissatut siunnersuutip taamaalilluni kingunerissavaa inuit ulorianarlunnartut inissinneqarneri pillugi 1938-mi inatsimmi maleruagassat Kalaallit Nunaannut atuukkunnaassasut.

Tassunga atasumik Kalaallit Nunaanni pinerluttulerinermi inatsimmi inunnik ulorianarlunnartunik inissiinermut tunngavissamik nutaamik pilersitsisoqassanersoq Inatsisinik atortitsinermut ministeriaqarfik isumaliuteqarpoq. Kalaallit Nunaanni tarnikkut napparsimasunut matoqqasumik immikkoortortaqaanngimmat taamatut aalajangersagaq piviusumik pingaaruteqassanngilaq. Tarnikkut napparsimasoq kalaaleq, Dronning Ingridip Napparsimmavissuani tarnikkut napparsimasut immikkoortortaanni inissaqartinneqanngitssoq, Danmarkimi tarnikkut napparsimasunut immikkoortortamut matoqqasumut nuunneqartussaassaaq, soorlu aamma tarnikkut napparsimasut pinerluuteqarsimasut, tarnikkut napparsimasunut immikkoortortami matoqqasumi katsorsarneqartussat, Danmarkimi inissinneqarsimasut. Tamatuma kingorna Danmarkimi immikkoortortami matoqqasumi naliliisoqarpat napparsimasoq Isumannaarsakkamik inissiisarfimmi inissinneqarnissaanut tunngavissaqartoq, tamanna pillugu aalajangiineq danskit tarnikkut napparsimasut pillugit inatsisaanni § 40 malillugu aalajangiisoqassaaq.

Tamanna eqqarsaatigalugu Inatsisunik atortitsinermut ministeriaqarfik inunnik ulorianarluinnartunik inissiisarneq pillugu taamatut aalajangersakkamik nutaamik pilersitsisoqassasoq siunnersuutigissallugu tunngavissaqanngilaq (tassa danskit tarnikkut napparsimasut pillugit inatsisaanni §§ 40-41 a-miittut assingi).

3. Unnerluutiginninnerup atorunnaarsinneqarneranik allannortitsineq

3.1. Inatsisit atuuttut

Kalaallit Nunaanni eqqartuussisarnermik inatsimmi kapitali 31 suliani pinerluttulerinermi unnerluuteqarnerit pillugit maleruagassanik imaqarpoq, tassunga ilanngullugu unnerluutiginninnerup atorunnaarsinnera (§ 312) aamma unnerluussutip atorunnaarsinnera (§ 313). Kapitali aamma taamatut aalajangiinerit allannortinneri pillugit maleruagassanik imaqarpoq (§ 315).

Kalaallit Nunaanni eqqartuussisarnermik inatsimmi § 312-p malitsigisaanik unnerluutiginninneq tamakkiisumik ilaannakuusumilluunniit atorunnarsinneqarsinnaasoq 1) pasilliit tunngavissaqanngitsoq paasineqarpat, 2) malersueqqinneq pasineqartup pisuutinneqarneranik kinguneqassanngitsoq naatsorsuutigineqarpat, imaluunniit 3) suliap ingerlanneqarnera ajornartorsiutinik, aningaasartuutinik imaluunniit suliarinerani piffissami atuineq, suliap pingaaruteqarneranut naleqqiullugu aamma pineqaatissiisoqassagaluarpat naammaginangippata.

Unnerluussutip atorunnaarsinnissaanut periarfissat Kalaallit Nunaanni eqqartuussisarnermi inatsimmi § 313-miipput. Tamatuma malitsigisaanik unnerluussut tamakkiisumik ilaannakuusumilluunniit atorunnaarsinneqarsinnaavoq 1) pissutsit takutinneqartut pingaaruteqarpallaannginneri pissutigalugit unnerluuteqannginnissaq naammaginarinneqarpat, 2) pinerluttulerinermi inatsimmi §§ 6 imaluunniit 124 atoruneqarsinnaappata imaluunniit taamaallaat soqutaanngitsumik eqqartuussuteqarnissaa naatsorsuutigineqarpat, 3) pasisaq iliuuseqarnerup nalaani 18-t inorlugit ukioqarsimappat, aamma unnerluussummik atorunnaarsitsineq iliuuserisamut aamma allatigut suliami pissutsinut naapertuutinngippata, 4) suliap ingerlanneqarnera ajornartorsiutinik, aningaasartuutinik imaluunniit suliarinerani piffissami atuineq, suliap pingaaruteqarneranut naleqqiullugu aamma pineqaatissiisoqassagaluarpat naammaginangippata, imaluunniit 5) naalagaaffiup unnerluussisuanit imaluunniit inatsisunik atortitsinermut ministerimit aalajangersarneqartut malitsigisaannik. Pisuni allani unnerluussummik taamaallaat atorunnaarsitsisoqarsinnaavoq immikkut saammaassisoqarsimappat imaluunniit immikkut pissutsit unnerluussinerluunniit nalinginnaasumik eqqarsaatigisassat pissutigalugit piunasaqaatigineqarsinnaasutut isigineqarsinnaanngippat.

Kalaallit Nunaanni eqqartuussisarnermik inatsimmi § 315, imm. 1 malillugu unnerluussuteqarnissaq pillugu aalajangiineq imaluunniit unnerluussuteqarnerup atorunnaarsinneqarnissaa pillugu aalajangiineq naalagaaffiup unnerluussisuanit imaluunniit inatsisunik atortitsinermut ministerimit allannortinneqarsinnaavoq. Unnerluussummik atorunnaarsitsineq pillugu aalajangiinermik allannortitsineq taamaallaat pisinnaavoq pasisamut tamanna pillugu nalunaarummik nalunaaruteqartoqarpat, kingusinnerpaamik unnerluussutip atorunnaarsinneqarnera pillugu pineqartumut nalunaarutigineraniit qaammatit pingasut qaangiutsinnagit, pasineqartumi pissutsit piffissaq eqqorlugu nalunaarutiginnissaannik akornusiisimangippata. Piffissaq eqqorlugu nalunaaruteqarnissamut pasineqartumi pissutsit akornusiisimappata, akornusiinerit qaangiuppata nalunaarut nalunaarutigineqassaaq.

Kalaallit Nunaanni eqqartuussisarnermik inatsimmi §§ 579-592 suliassanngortitseqqinneq pillugu maleruagassanik imaqqarpoq, tassunga ilanngullugu unnerluusseq eqqartuussivimmi pinngitsuutinneqarsimappat, imaluunniit eqqartuussivikkut malersuineq atorunnaarsinneqarsimappat, unnerluussisoqareernerata kingorna. § 580 malillugu suliameq eqqartuussutsikkut aalajangiineq, unnerluunneqartoq pinngitsuutinneqarluni, taamaalilluni ilaatigut suliassanngortinneqaaqqissinnaavoq, unnerluunneqartoq kingusinnerusukkut pinerluuteqarsimanini nassuerutigiguniuk, imaluunniit kingusinnerusukkut uppersaatissanik allanik saqqummiussisoqarpat, tamatuma kingorna naatsorsuutigineqarluni unnerluusseq pinerluuteqarsimassasoq. Unnerluusseq eqqartuunneqarsimappat, § 581 malillugu, suliareqqitassanngortitsineq taamaallaat pisinnaavoq § 580-mi piimasaqaatit assigalugit, unnerluunneqartoq eqqartuunneqarnerminiit annertuumik pinerluuteqarsimasutut pisuusutut oqaatigineqarpat. § 582 malillugu aamma suliameq unnerluussisoqarsinnaavoq, unnerluussisoqarnerata kingorna eqqartuussisutigoortumik sulissutiginnineq siusinnerusukkut atorunnaarsinneqarsimatillugu, 1) § 580-mi piimasaqaatit naammassineqarsimappata, 2) uppersaatit nutaat pingaarutillit saqqummiunneqarpata, imaluunniit 3) § 315, imm. 1-mi piimasaqaatit naammassineqarsimappata. Taamaaqataanilli suliassanngortitseqqinnissaq suliani, unnerluussutit atorunnaarsinneqarneri naammassineqarsimappata atuutinngilaq, tak. § 312, imaluunniit unnerluussut atorunnaarsinneqarsimappat, tak. § 313.

3.2. Inatsisinik atuutsitsinermut ministeriaqqarfiup isumaliutai

Kalaallit Nunaanni eqqartuussisarnermik inatsimmi § 315, imm. 1-mi allaaserineqartut unnerluussuteqarnissaq pillugu aalajangiineq imaluunniit unnerluussuteqarnerup atorunnaarsinneqarnissaa pillugu aalajangiineq allanngortinneqarsinnaavoq.

Taamaalilluni aalajangersagaq danskit eqqartuussisarnermi inatsisaanni § 724, imm. 2-mi taamaaqataanik maleruagassamiit allaaneruvoq. Aalajangersagaq taanna malillugu unnerluussutit atorunnaarsinnissaa pillugu aalajangiineq allanngortitsinissamut piffissaliussaq qaangiunnerata kingorna aamma allanngortinneqarsinnaassaaq (Danmarkimi qaammatit marluusut), § 975 malillugu suliassanngortitseqqinnissamut piimasaqaatit naammassineqarsimappata. Unnerluussummik atorunnaarsitsineq taamaalilluni Danmarkimi allanngortinneqarsinnaavoq, piffissami kingusinnerusumi assersuutigalugu uppersaatinik pingaaruteqartunik saqqummertoqarpat, imaluunniit siusinnerusukkut pasisaq pinerluuteqarsimanerminik nassueruteqarsimappat.

Danskit eqqartuussisarnermi inatsisaanni § 975-mi Kalaallit Nunaanni eqqartuussisarnermi inatsimmi § 582-mi suliassanngortitseqqinnermi maleruagassat assigalugit suliassanngortitseqqinnermut piimasaqaatit aalajangersarneqarput.

Kalaallit Nunaanni eqqartuussisarnermi inatsit 2008-mi nutaamik allanneqarpoq Kalaallit Nunaanni Eqqartuussiveqarneq pillugu Ataatsimiititaliarsuarmit tunniunneqartoq Kalaallit Nunaanni eqqartuussiveqarneq pillugu isumaliutissiissut nr. 1442/2004 tunuliaqutaralugu. Inatsimmut nutaami allanneqartumi isumaliutissiissummi imaluunniit oqaaseqaatini paasissutissanik peqanngilaq soq Kalaallit Nunaanni eqqartuussisarnermik inatsit malillugu unnerluussummik atorunnaarsitsinerup allanngortinneqarsinnaanera Danmarkimi taamatut aalajangiinernut allanngortitsinnaanermut naleqqiullugu killeqartinneqarnersoq.

Maleruagassat taakku malillugit allanngortitsisoqarsinnaanerani taamatut assingiingitsoqaraluartoq taaneqareersutut taakkununga marlunnut atuuttoq tassaavoq allanngortitsinnaanerup killeqarnera. Tamatumunnga pingaartumik pissutaapput inuk, pasineqarsimasoq, suliap naammassineqarnerata kingorna aqqissuunnissaanut immikkut eqqarsaatigisassat. Taamaalilluni politit piffissatigut killiligaanngitsumik kingusinnerusukkut

killeqanngitsumik suliamik suliassanngortitsisinnaassappata tamanna inummut pasineqarsimasumut naammaginassanngilaq. Illuatigut allanngortitsisinnaanermut maleruagassani eqqarsaatigineqassaaq taamatut aalangiinernut suliap illuatungeriit naammagittaalliuteqarsinnaanerata, aamma unnerluussisutut oqartussat qulliunerusut eqqortunik assingiissaartunillu aalajangiisoqartarnissaanik qulakkeerinissamut periarfissaqassallutik.

Allanngortitsineq pillugu maleruagassat taakku saniatigut inatsisinik aalajangikkanik atortitsinissamik aamma eqqarsaatiginnipput. Tamannali danskit eqqartuussisarnermik inatsisaanni allanngortitsinissamut periarfissap naanerata kingorna minnerunngitsumik atuuppoq, suliassanngortitseqqinnissamut piunasaqaatit naammassineqarsimatillugit. Kalaallit Nunaanni eqqartuussisarnermi inatsimmi maleruagassani atuuttuni aamma imatut pisoqarsinnaammat, assersuutigalugu ilungersunartumik pinerluttuliorsimanermi suliami unnerluussutip atorunnaarsinneqarnissaa pillugu aalajangiineq allanngortinneqarsinnaanani, naak siusinnerusukkut inuup pasisaasup pinerlussimanini nassuerutigaluaraa, Inatsisinik atortitsinermut ministeriaqarfik isumaqarpoq inatsisinik aalajangikkanik atortitsiniaaneq Kalaallit Nunaanni eqqartuussisarermi inatsimmi § 315-mi naammattumik isumagineqanngitsoq.

Tamanna tunuliaqutaralugu siunnersuutigineqarpoq Kalaallit Nunaanni eqqartuussisarnermik inatsimmi § 315, imm. 1 aalajangersaasoqassasoq unnerluussummik atorunnaarsitsineq pillugu aalajangiineq naalagaaffiup unnerluussisuanit imaluunniit inatsisinik atortitsinermut ministerimit aamma allanngortinneqarsinnaasoq, § 582, nr. 1 imaluunniit nr. 2 malillugu suliassanngortitsinissamut piunasaqaatit naammassineqarsimappata.

4. Meeqqanik video atorlugu killisiuineq

4.1. Meeqqanik video atorlugu killisiuineq qulliunerusumik

4.1.1. Danmarkimi meeqqanik video atorlugu killisiuisarnerit

Danmarkimi piffissami sivilisunerusumi nalinginnaasumik periusiusimavoq pillaasarnermi suliani aalajangersimasuni video atorlugu killisiuisoqartarluni. Tamatuma kingunerisaanik politiit meeqqanik killisiuinerat videomut immiunneqartarpoq kingusinnerusukkut pillaasarnermi suliami eqqartuussisarnermi takutinneqarnissaa siunertaralugu meeqqap ilisimannittutut nassuiaanissaanut taarsiullugu. Suleriaaseq atornerarpoq meeraq asattuunniarlugu aamma meeqqamiit sapinngisamik nangaassuteqanngitsumik erseqqissumillu nassuiaasoqarnissaa eqqarsaatigalugu.

Taamatut periaaseqarneq 1980-ikkut aamma 1990-ikkut ingerlanerani ineriartortinneqarpoq eqqartuussisarnermi inatsimmi aalajangersakkat nalinginnaasut tunngavigalugit. 1995-miit taakku saniatigut periuseq meeqqanik video atorlugu killisiuineq pillugu nassuiaammi inassuteqaatinik tunngaveqalerpoq, politiiniit aamma unnerluussisarnermi oqartussaniit kiisalu meeqqat nappaataannik immikkut nakorsaniit peqataaffigineqartumit suleqatigiissitamit maj 1995-mi tunniunneqartumik. Inassuteqaatit taakku immikkoortut ilaanni allanngortinneqarput piffissamilu 2003 tikillugu iluarsineqarlutik.

2003-mi – meeqqanik kinguaassiutitigut atornerluisimaneq pillugu pillaasarnermi suliat naammassineqarneri pillugit isumaliutissiissut nr. 1420/2002-mi inassuteqaatit tunngavigalugit – Danmarkimi meeqqanik video atorlugu killisiuineri immikkut malittarisassaqaalerpoq, inatsit nr. 228, 2. april 2003-meersoq tak. Maleruagassat taakku maannakkut eqqartuussisarnermi inatsimmi §§ 731a-mi, 745 e-mi aamma 872-mi nassarineqarsinnaapput.

Inatsimmi pasineqartumut, iliuseqartumut ilisimaneqanngitsumut video atorlugu killisiuinissaq sioqqullugu illersuisussatut piginnalersitaq pillugu immikkut maleruagassat atulersinneqarput, tak. § 731 a, aamma illersuisup inimit allamit video atorlugu killisiuinermik malinnaasinnaatitaanera (inimit immiussisarfimmiit) pillugu, tak. maannakkut § 745 e, imm. 1. Aammattaaq aalajangerneqarpoq pasineqartoq killisiuinermi malinnaanissamut periarfissaqassanngitsoq, kingornatigulli killisiuineq pillugu videomik immiussamik isiginnaarsinnaalluni aamma meeqqap killisioqqinneqarnissaanik qinnuteqarsinnaalluni, tak. maannakkut § 745, e, imm. 2.

Aammattaaq inatsimmi video atorlugu killisiuinerup pillaasarnermi suliap nalaani atorneqarsinnaaneranut paatsuugassaanngitsumik tunngavissaq atulersinneqarpoq, tak. maannakkut § 872. Aalajangersakkamut tassunga piareersaanerit malillugit video atorlugu killisiuineq aallaaviatigut pillaasarnermi suliani atorneqarsinnaavoq, meeqqamik 12-t inorlugit ikinnerusunilluunniit ukioqartumik killisiuisoqarpat. Taamaattorli immikkut pisoqarsimasoqartillugu, tassunga ilanngullugu meeqqap ineriartornera aamma tarnikkut qanoq ittuunera pissutigalugu meeqqamik inersimanerumik video atorlugu killisiuineq uppersaatit atorneqarsinnaalluni.

Eqqartuussisarnermi inatsimmi § 748, imm. 1 aamma eqqartuussisarnermi inatsisip, naalagaaffimmiit pinerluttoqarnerani eqqugaasumut taarsiisarneq pillugu inatsisip, eqqartuussivimmi akitsuutit pillugit inatsisip aamma Haagerimi meeqqat illersugaanerit pillugu isumaqatigiissut pillugu inatsisip (eqqartuussisup allallu, pineqartup ukiuni pissutigalugit tunuarnissaa sioqqullugu suliat aallartinneqarsimasut naammassillugit suliaqarsinnaanera, piumasaqaatit annikinnerusut pillugit sulianik suliarinninneq pillugu maleruagassat ilaasa allanngortinneri, eqqartuussinissaq sioqqullugu meeqqamik il.il. video atorlugu killisiuinerne pasineqartup najuuttannginnissaa) allannguneq pillugu inatsit nr. 325, 11. april 2012-meersukkut allanngortinneqarpoq.

Allannguisoqarneratigut aalajangiisoqarpoq eqqartuussinissaq sioqqullugu meeqqamik video atorlugu killisiuinerne pasineqartup najuuttannginnissaa, eqqartuussivik aalajangiisimappat killisiuineq video atorlugu killisiuinerit ingerlanneqassasoq.

Eqqartuussivimmi pissutsit periutsillu ullumikkut meeqqat kinguaassiuutitigut atonerlunneqarsimasut pillugit suliat suliarineri aamma suliani taamatut ittuni meeqqamik video atorlugu killisiuinerit pillugit Naalagaaffiup eqqartuussisorisuata nalunaarutaani nr. 2/2007-mi allaaserineqarput (september 2007-mut iluarsisaq).

4.1.2. Kalaallit Nunaanni meeqqamik video atorlugu killisiuisarnerit

Kalaallit Nunaanni eqqartuussisarnermik inatsit meeqqamik video atorlugu killisiuineq pillugu immikkut maleruagassanik imaqqanngilaq.

Kalaallit Nunaanni eqqartuussiveqarneq pillugu Ataatsimiititaliarsuaq Kalaallit Nunaat pillugu eqqartuussisarnermik inatsik nutaaq pillugu isumaliuteqarnermut atatillugu suleqatigiissitamik pilersitsivoq kinguaassiuutitigut pinerluutini meeqqamik video atorlugu killisiuinerne misileraalluni aqqissuussinissamut pilersitsisoqarnissaanut – taamaattoqassappallu suliniuteqartoqarnissaanut – periarfissanik eqqarsaateqartussamik. Suleqatigiissitap januar 2001-imi inassutigaa kinguaassiuutitigut pinerluutini meeqqamik video atorlugu killisiuinerne misileraallu aqqissuussinerit pilersinneqassasut. Misileraalluni aqqissuussineq 2002-mi ukiup affaata appaani pilersinneqarpoq.

Kalaallit Nunaanni eqqartuussiveqarneq pillugu isumaliutissiisummi nr. 1442/2004-mi immikkoortoq X, kapitali 12-mi eqqartuussiveqarneq pillugu ataatsimiititaliarsuup eqqarsaatersuutaanit takuneqarsinnaavoq ataatsimiititaliarsuaq – pingaartumik misileraalluni aaqqissuussinerup suli naammassineqannginnera eqqarsaatigalugu, tassa ataatsimiititaliarsuup tamanna pillugu eqqarsaasersuutini naammassimmagit – isumaliutissiisummi nr. 1420/2002-mi Danmarkimi atulersinneqartussatut siunnersuutigineqartumi maleruagassanut assigusunik Kalaallit Nunaanni eqqartuussisarnermi inatsimmi maleruagassanik atulersitsisoqartariaqarneranik taamaattoqassappallu qanoq pissaneranik isummernissamut tunngavissaqarsimangitsoq.

Meeqqanilli video atorlugu killisiuinerli taamani Kalaallit Nunaanni atugaalersimavoq, ullumikkullu danskit eqqartuussisarnermi inatsisaanni tamanna pillugu immikkut maleruagassat malillugit danmarkimi atuuttut annertuutigut ullumikkut atorneqarlutik, tak. qulaani immikkoortoq 4.1.1.

4.2. Inatsisinik atuutsitsinermut ministeriaqarfiup isumaliutai

4.2.1. Nalinginnaasumik isumaliutit

Eqqaaneqareersutut suliani arlalinni nalinginnaasumik periusiuvoq Kalaallit Nunaanni politiit meeqqanik killisiuineranni eqqartuussutissap isumaqatigiinniutiginerata nalaani kingusinnerusukkut takutinneqarnissaa siunertaralugu videomut immiunneqartarneri.

Tamannali uppernarsaatit erninnaartuusarnissaat pillugu nalinginnaasumik tunngavimmik saneqqussineruvoq, aamma video atorlugu killisiuinerneq atuneq taamaallaat pisariaqarluni ilisimannittup eqqartuussisunut erninnaartumik takkussinnaannginnera pingaartillugu eqqarsaatiginnittoqarluni.

Taamaattumik aallaavusoq tassaassaaq meeqqanik killisiuineq taamaallaat imatut ingerlanneqartariaqartoq meeraq aqqaneq marlunnik ikinnerusunilluunniit ukioqarpat. Taamaattorli immikkuullarissunik pisoqarsinnaavoq, tassunga ilanngullugu meeqqap ineriartornera aamma tarnikkut qanoq ittuunera, tamanna pissutigalugu meeqqat angajulliunerusut aamma video atorlugu killisiorneqarsinnaallutik.

Inatsisinik atortitsinermut ministeriaqarfiup isumaa malillugu aqqaneq marlunnik ikinnerusunilluunniit ukiulinnik meeqqanik eqqartuussiviup avataani video atorlugu killisiuineq aalajangersimasumik naliliinikkut ilaatigut meeqqanut kinguaassiuutigut innarliinerit pillugu suliani suli atorneqartariaqartut. Immikkut pisoqarsimatillugu, tassunga ilanngullugu meeqqap ineriartornera aamma tarnikkut qanoq issusia, aamma meeqqanik angajulliunerusunik video atorlugu killisiuinerneq suli ingerlatsinnaasariaqarpoq.

Aammattaq Inatsisinik atortitsinermut ministeriaqarfik isumaqarpoq kinguaassiuutigut innarliinerit pillugit sulianiit suliani allani, meeqqamut aamma taamatut eqqarsaatiginninnerit atuutsillugit, taamaattumillu pisut qanoq ittuuneri naapertorlugit eqqartuussutissap isumaqatigiinniutigineqanerata nalaani takutinneqarnissaa siunertaralugu meeqqap ilisimannittutut video atorlugu killisiorneqarnissaanik taamaaqataanik pisariaqartitsisoqarsinnaalluni.

Siunnersuutigineqarpoq – isumaliutissiisummi nr. 1420/2002-mi inassuteqaatit aamma danskit eqqartuussisarnermik inatsisaanni aaqqissuussineq atuuttoq naapertorlugu – meeqqani video atorlugu killisiuinerit Kalaallit Nunaanni eqqartuussisarnermi inatsimmi immikkut malittarisassaqartinneri atulersinneqassasut.

Inatsisissatut siunnersuutikkut video atorlugu killisiuinissaq sioqqullugu pasineqartumut illersuisussanngortitsisoqarnissaa aamma illersuisup videomik killisiuinermik immiussisarfimmiit najuunnissaa pillugu Kalaallit Nunaanni eqqaartuussisarnermi inatsimmi eqqussisoqarpoq (tak. ataaniittumi immikkoortoq 4.2.2). Aammattaaq siunnersuutigineqarpoq pasineqartup meeqqamik video atorlugu killisiuinermik immiussisarfimmiit malinnaasinnaanginnera siunersuutigineqarpoq, kisiannili tamatuma kingorna killisiuinerup videokkut immiunneqarnera isiginnaarsinnaallugu (tak. imm. 4.2.3 ataaniittumi). Aammattaaq siunnersuutigineqarpoq eqqartuussutissap isumaqatigiinniutigineqarnerata nalaani video atorlugu killisiuinerup uppersaasatitut atorneqarsinnaaneranut erseqqissumik tunngaviliineq atulersinneqarluni (tak. imm. 4.2.4 ataaniittoq). Kiisalu siunnersuutigineqarluni pasineqartup eqqartuussinissamut piaareersaanermik isiginnaarsinnaanera eqqartuussiviup aalajangersaanera malillugu meeqqamik video atorlugu killisiuinissaq siunertaralugu ingerlanneqartuni eqqartuussinissamut piaareersaanernut atuutissanngitsoq (tak. imm. 4.2.5 ataaniittumi).

4.2.2. Illersuisussamik toqqaasarneq taassumalu najuunnera

4.2.2.1. Inatsisit atuuttut

Kalaallit Nunaanni eqqartuussisarnermik inatsimmi § 321, imm. 1 pinngitsoorani illersuisussamik toqqaanissamut tunngasuvoq. Aalajangersagaq malillugu pasineqartoq pisuni arlalinni illersuisussaqartussaavoq, pasineqartoq nammineerluni illersuisussamik toqqaasimangippat, imaluunniit illersuisussaq toqqarneqartoq takkutinnngitsoorpat. Tamanna atuuppoq 1) tigummigallarnissaq pillugu noqqaasoqarpat imaluunniit tassunga taarsiullugu qanoq iliornissamut piaareersaasoqarpat, imaluunniit tigusaaneq atatiinnarneqassappat, 2) suliami unnerluussisoqarpat, tassani pasineqartoq pisuutinneqaruni naatsorsuutigineqarsinnaalluni akiliinermiit, aarsaarinnissummiit, biilersinnaanermut allagartamik arsaarneqarnermiit imaluunniit taarsiinissamiit annertunerusumik akuliunnerusumik eqqartuussivimmiit malersorneqassappat imaluunniit 3) unnerluussinissaq sioqqullugu eqqartuussutissap isumaqatigiinniutigineqarnerata nalaani atorneqartussamik uppersaasooqassappat, illersuisussamik aggersaaneq eqqartuussivimmi ataatsimiinnermik kinguartitsinermik kinguneqassanngippat, tamatumalu malitsigisaanik uppersaasat annaaneqarluni.

Kalaallit Nunaanni eqqartuussisarnermi inatsimmi § 321, imm. 2 malillugu pinngitsoorani illersuisussamik toqqaanissaq pillugu maleruagassanut ilaasut avataatigut – unnerluussinissaq sioqqullugu kingornatigullu - unnerluutigineqartumut illersuisussamik toqqaasooqarsinnaavoq, suliap qanoq ittuunera, pasineqartup inuttaa allatigulluunniit pissutsit naapertorlugu eqqartuussivimmit kissaatigineqarpat, pasineqartorlu nammineq illersuisussamik pissarsisimangippat. § 320, imm. 3-mit takuneqarsinnaavoq illersuisussamik toqqaanissaq politiinit saqqummiunneqartartoq, pasineqartoq tamatuminnga qinnuteqarpat, imaluunniit suliaq allatigut taamaattoqarnissaanik pissutissaqartitsippat.

Kalaallit Nunaanni eqqartuussisarnermik inatsit inummut pasineqanngitsumut imaluunniit iliuuseqartumut ilisimaneqanngitsumut illersuisussamik toqqaasooqarnissaa pillugu paatsuugassaanngitsumik aalajangersagaqanngilaq.

Suliani suli pasisaqarfiunngitsuni Kalaallit Nunaanni video atorlugu killisiuisoqassatillugu eqqartuussivik pineqartumut illersuisussamik toqqaasarpog – qularnanngitsumik qulaani aalajangersakkat nassuiarneqarnerisa annertusinerisigut.

Kalaallit Nunaanni eqqartuussisarnermik inatsimmi § 340, imm. 3 malillugu, killisiuisoqassappat imaluunniit assingusumik pinerluttoqarsimaneranik paasiniaasoqassappat,

eqqartuussutissap isumaqatigiinniutigineqarnerata nalaani uppersaaitut atornerqarsinnaasutut ilimagineqartumik, tamanna pillugu illersuisumut politiit ilisimatitsissapput, taamaalilluni pineqartumi pinerluttoqarsimaneranik paasiniaanermi illersuisoq malinnaanissamut periarfissinneqarluni. Kinguaassiuutitigut atornerluineq pillugu suliamut atatillugu meeqqamik video atorlugu killisiuineq pinerluttoqarsimaneranik paasiniaanermut ilaasinaavoq § 340, imm. 3-mut ilaasoq, video atorlugu killisiuineq pingaarnertut isumaqatigiinniarnep nalaani uppersaaitut atornerqarnissaa naatsorsuutigineqarpat.

Kalaallit Nunaanni eqqartuussisarnermik inatsit video atorlugu killisiuinerni illersuisup najuunnissaa pillugu immikkut maleruagassanik imaqqanngilaq. Taamaattorli Kalaallit Nunaanni periusaalersimavoq illersuisoq – soorlu qallunaat eqqartuussisarnermik inatsisaanni malittarisassaliorneq malillugu – video atorlugu killisiuinermik isiginnaarnissamut periarfissaqarnani, taamaallaalli najuunnissamut pisinnaatitaaffeqarluni, video atorlugu killisiuineq eqqartuussutissap isumaqatigiinniutigineqarnerata nalaani uppersaaitut atornerqarnissaa naatsorsuutigineqarpat.

4.2.2.2. Aaqqissuussineq siunnersuutigineqartoq

Meeraq kinguaassiuutitigut innarlerneqarsimaneranik imaluunniit allatigut ajoqusernermi kingunerlutsitsisumik misigisaqarfiusoq pillugu pasinnittoqartillu meeqqamik video atorlugu killisiuineq amerlanertigut pinerluttoqarsimaneranik paasiniaanermi siusissukkut ingerlanneqartarpoq, aamma taamaalilluni imatut pisoqarsinnaalluni meeqqap killisiornepata nalaani pasillit sulii saqqummiunneqarsimanani.

Kalaallit Nunaanni eqqartuussisarnermi inatsit taaneqareersutut pinerluttoqarsimaneranik paasiniaanermi tassani illersuisussamik toqqaasoqarnissaa pillugu erseqqissunik maleruagassaqqanngilaq, sulinerimli – qularnangitsumik maleruagassanik atuuttunik annertusisamik nassuiarneqarnerisigut – video atorlugu killisiuinissaq sioqqullugu pasineqartumut, sulii pasisaanngitsumut, illersuisussamik toqqaasoqartarluni.

Inatsisinik atortitsinermit ministeriaqarfiup isumaa naapertorlugu taamatut pisoqartillugu Kalaallit Nunaanni eqqartuussisarnermi inatsimmi illersuisussamik toqqaasarneq pillugu aalajangersakkamik erseqqissumik ikkussisoqartariaqarpoq. Taamaattumik siunnersuutigineqarpoq aalajangersakkamik ikkussisoqassasoq pasineqartumut imaluunniit kingusinnerusukkut suliami pasineqartussamut, video atorlugu killisiuineq eqqartuussutissap isumaqatigiinniutigineqarnerata nalaani uppersaaitut atornerqarnissaa naatsorsuutigineqassappat killisiuinissaq sioqqullugu pasineqartumut illersuisussamik toqqaasoqassasoq.

Illersuisup eqqartuussisarnermi inatsimmi pillaasarnermi suliami illersuisutut toqqaarneqartumut piginnaatitaaffeqassaaq, tassunga ilanngullugu suliami politiit allagaataannik ilisimatinneqarnissamut periarfissaqarneq, tak. Kalaallit Nunaanni eqqartuussisarnermik inatsimmi § 340, imm. 1.

Illersuisoq § 340, imm. 3 malillugu aamma video atorlugu killisiuinermik isiginnaarsinnaavoq. Inatsisinik atortitsinermit ministeriaqarfiup naliliinera malillugu pasineqartup/unnerluutigineqartup video atorlugu killisiuinermi soqutigisaanik isumaginninnissamut naammangilaq. Matumani maluginiarneqarpoq inatsisissatut siunnersuummi pasineqartoq/unnerluutigineqartoq ilaatigut killisiuinermik isiginnaarnissamut periarfissaqartinneqanngilaq, tak. ataaniittumi 4.2.3.2.

Taamaattumik siunnersuutigineqarpoq video atorlugu killisiunermik isiginnaarnissamut illersuisoq erseqqissumik pisinnaatitaaffeqarnissaa ikkunneqassasoq.

Maluginiarneqarpoq eqqartuussivik Kalaallit Nunaanni eqqartuussisarnermik inatsimmi § 325, imm. 1 naapertorlugu illersuisumik toqqaasoqarnissaanik – imaluunniit toqqaanermik utertitsinissamik – itigartinneqarsinnaasoq, suliap eqqortumik suliarineqarnissaa eqqarsaatigalugu illersuisup peqataanera illersorneqarsinnaanngitsutut isigineqarpat. Inatsisunik atortitsinermut ministeriaqafiup isumaa naapertorlugu pisut naapertorlugit aalajangersakkami tassani illersuisup aalajangersimasup toqqarneqarnissaa eqqartuussivimmit itigartinneqarsinnaavoq, siumoortumik erseqqippat pisumi pineqaatissiissutaasinnaasumik unnerluussummut politiitit tiguneqarnerata kinguninnguatiqut meeqqamik politiit video atorlugu killisiuineranni illersuisoq pineqartoq peqataasinnaanngippat, tassa meeqqamik siusissukkut killisiuineq pinerluttoqarsimaneranik paasiniaaqqinnermi suliamut pingaaruteqarsinnaanera pissutigalugu. Taamaaqataanik illersuisumi pissutsit pissutigalugit piffissap sivikitsup iluani video atorlugu killisiuineq ingerlanneqarsinnaanngippat illersuisussamik toqqaasimaneq eqqartuussivimmit utertinneqarsinnaavoq.

§ 321 a-mi aamma § 340 a imm. 1-mi aalajangersakkanut siunnersuutigineqartunut kiisalu taakkununga oqaaseqaatinut innersuussisoqarpoq, tak. inatsisissatut siunnersuut § 2, nr. 2 aamma 3.

4.2.3. Pasineqartup/unnerluutigineqartup video atorlugu killisiuinermik malinnaatinneqarsinnaatitaanera

4.2.3.1. Inatsisit atuuttut

Politiiniit aamma unnerluussinermi oqartussaniit kiisalu meeqqat nappaataannik immikkut nakorsaniit peqataaffigineqartumit suleqatigiissitamit video atorlugu meeqqanik killisiuineq pillugu nalunaarut maj 1995-mi tunniunneqarpoq. Nalunaarummi tunngavigineqarpoq meeqqanik kinguaassiuutitigut atonerluineq pillugu suliani pasisaq imaluunniit unnerluussaq inimiit sanianiittumiit meeqqamik video atorlugu killisiuinermik isiginnaarnissamut piunnaasarsinnaanngitsoq, kisianni pineqartup soqutigisai illersuisumit isumagineqarsinnaallutik.

Tamanna tunngavigalugu aamma meeqqap eqqarsaatiginissaa aallaavigalugu marts 2009 tikillugu periusaasimavoq meeqqamik kinguaassiuutitigut atonerluineramik pasineqartoq unnerluutigineqartorluunniit meeqqamik video atorlugu politiit killisiuineranni isiginnaarnissamut piunnaasarsinnaanngitsoq.

Ulloq 16. marts 2009 Højesteretti danskit eqqartuussisarnermik inatsisaanni siusinnerusukkut aalajangersakkani atuuttuni suliani marlunni eqqartuussivoq unnerluutigineqartoq aamma pasisaq inimit immiussisarfimmiit politiit video atorlugu meeqqamik killisiuinerannik isiginnaarsinnaasut (suliaq nr. 9/2000 aamma suliaq nr. 589/1999).

Suliaq nr. 9/2000-mi UfR 2000-mi qupperneq 1326-mi naqinneqartumi Højesterettimit oqaatigineqarpoq pasineqartoq unnerluutigisarluunniit eqqartuussisarnermi inatsimmi § 745, imm. 3-mi oqaasertat piareersarnerilluunniit apeqquaatinnagit aallaaviatigut killisiuinermik malinnaasinnaasoq.

Tamatuma kingorna, soorlu qulaani imm. 4.1.1-mi taaneqartoq, danskit eqqartuussisarnermi inatsisaanni aalajangersakkamik nutaamik ikkussisoqarpoq, tassani aalajangersarneqarluni pasineqartoq/unnerluussat killisiuinermik isiginnaarsinnaatitaanngitsoq, tamatumali kingorna

killisiuinerup video atorlugu immiunneqarnera misissorsinnaagaa aamma meeqqap killisioqqinneqarnissaa qinnutigisinnaallugu, tak. (maannakkut) § 745 e, imm. 2.

Maleruagassat taakkua Kalaallit Nunaanni eqqartuussisarnermik inatsimmi nassaassanngikkaluortoq, Kalaallit Nunaanni immikkoortumi tassani perisusartoq danskit eqqartuussisarnermik inatsisaanni malittarisassanut assiguvoq. Taamaalilluni pasisamit/unnerluutigineqartumit isiginnaarneqanngitsunik taamaallaat video atorlugu killisiuisoqartarpoq. Pasineqartoq/unner-luutigisaq tamatum kingorna killisiuinerup video atorlugu immiussaq misissorsinnaanut periarfissaqarpoq meeqqallu killisioqqinnissaa qinnutigisinnaallugu.

4.2.3.2. Aaqqissuussineq siunnersuutigineqartoq

Siunnersuutigineqarpoq inatsisitigut aalajangerneqassasoq pasineqartoq/unnerluutigineqartoq video atorlugu killisiuinerup isiginnaarnissamut periarfissaqartitaassanngitsaq – aamma immiussisarfimmiit. Tassunga atatillugu siunnersuutigineqarpoq pineqartoq piaarnerpaamik illersuisuni peqatigalugu video atorlugu immiussaq politiini misissorsinnaanut periarfissaqarnissaa inatsisitigut tunngavissaqartilerneqassasoq. Aammattaaq siunnersuutigineqarluni meeqqap killisioqqinneqarnissaa pillugu pasineqartoq/unnerluussaq taassumaluunniit illersuisua piunasaqaammik saqqummiussinissamut periarfissaqarnissa inatsisitigut tunngavissaqartitaallissasoq. Taamatut piunasaqarneq taamaattoqassappat sapinngisamik piaarnerpaamik pissaaq.

Taamatut aaqqiinerup Inatsisunik atortitsinerup ministeriaqarfimmit pingaartinneqarpoq meeqqap asattuunnissamik eqqarsaatigarneq kiisalu meeqqamiit nangaassuteqanngitsumik sukumiisumillu nassuiaammik angusaqarnissaq taamatut iliornerup pitsaanerpaamik isumagineqartoq. Pasineqartup/unnerluussaq killisiuineq isiginnaarpagu, naak tamanna iminit immiussisarfimmiit pigaluartoq, meeraq tamatum kingorna ilisimatinneqaruni – tamannalu Inatsisunik atortitsinerup ministeriaqarfiup isumaa malillugu aallaaviatigut pisariaqarluni, meeqqat anginerusut pineqarpata – suliamut paasissutissatut iluaqutaasumik nangaassuteqanngitsumik sukumiisumillu nassuiaammik politiit angusaqarnissaannut aporfiusinnaasoq.

Inatsisissatut siunnersuut malillugu video atorlugu killisiuineq eqqartuussutissap isumaqatigiinniutigineqarnerata nalaani uppernarsaatit atorneqarsinnaavoq, tak. imm. 4.2.4.2 ataanittoq. Taamaattumik pasineqartup/unnerluutigineqartup inatsisitigut isumannaatsuunissaa aamma illersuinerup isumaginnissinnaanera annertuumik pingaartinneqarpoq. Inatsisunik atortitsinerup ministeriaqarfilli isumaqarpoq taamatut eqqarsaatiginneq illersuisup killisiuinerup isiginnaarnissamut pisussaaffia pillugu siunnersuutikkut isumagineqarsinnaasoq, tak. imm. 4.2.2.2 qulaaniittoq, kiisalu pasineqartup/unnerluutigineqartup killisiuinerup kinguninnguatigut killisiuinerup video atorlugu immiussamik misissorsinnaanera aamma meeqqat killisioqqinneqarnissaa pillugu qinnuteqarsinnaanera.

§ 340 a, imm. 2-mut siunnersuutigineqartumut aamma tassunga oqaaseqaatinut innersuussisoqarpoq, tak. inatsisissatut siunnersuut § 2, nr. 3.

4.2.4. Video atorlugu killisiuinerup uppernarsaatit atorneqarsinnaanera

4.2.4.1. Inatsisit atuuttut

Uppernarsaatit eqqartuussisumut ingerlaannartumik saqqummiunneqartarput saqqummiussinerlu pisarpoq eqqartuussutissap isumaqatigiinniutigineqarnerata nalaani.

Tamanna tunngavik Kalaallit Nunaanni eqqartuussisarnermik inatsimmi § 467, imm. 2-mi saneqqunneqarpoq, tassani takuneqarsinnaalluni allagaatit uppersaait aamma suliamik ilisimalersitaaneq uppersaaitut atorneqarsinnaasut. Pisut taakku saniatigut allagartat uppersaait aamma suliamik ilisimalersitaaneq, nalunaaruteqarnermik imaluunniit ilisimannittut nassuiaatinik imaqtut, taamaallaat uppersaaitut atorneqarsinnaapput, qaqutigoortumik eqqartuussivik tamatumunnga akuersippat, tak. § 467, imm. 3.

Eqqartuussiviit meeqqanik politiit killisiuilluni video atorlugu immisisarnerat danskit eqqartuussisarnermik inatsisaanni § 877, imm. 3-mi siusinnerusukkut maleruagassanut ilaasutut isigisimavaat, tamanna ilaatigut takuneqarsinnaavoq Højesterettip 16. marts 2000-mi eqqartuussutaani imm. 4.2.3.1-mi. Kalaallit Nunaanni eqqartuussisarnermik inatsimmi § 467, imm. 3 danskit eqqartuussisarnermi inatsisaanni § 877, imm. 3-mi maleruagassanut siusinnerusukkut atuuttut assigaa, taamaattumillu taamaaqataanik oqartoqarsinnaalluni meeqqanik video atorlugu politiit killisiuineranni atorneqarsinnaasoq.

Taamaalilluni aalajangersimasumik naliliinermi tunngaveqarpoq eqqartuussutissap isumaqatigiinniutigineqarnerata nalaani meeqqamik video atorlugu killisiuineq eqqartuussivimmiit allagartatut uppersaaitut akuersisinaanera.

4.2.4.2. Aaqqissuussineq siunnersuutigineqartoq

Suleqatigiissitap isumaliutissiisummi nr. 1420/2000-meersumi tikkuarpaa video atorlugu killisiuinerup eqqartuussutissap isumaqatigiinniutigineqarnerata nalaani uppersaaitut atornerarneratigut qulakkeerneqartoq, eqqartuussummut nalunaaruteqarneq sioqqullugu eqqartuussivit suliami uppersaaitinik pigineqartunik tamanik saqqummiussiffigineqassasut. Taakku saniatigut qulakkeerneqarpoq meeqqap kinguaassiuutitigut atornerlunneqarsimaneramik allatigulluunniit ajoqusernermik kingunerlutitsisumik misigisaqarsimanerani pasinnittoqartillugu meeqqat, politiit killisiuinerisa saniatigut meeqqamut sungiussimanannngitsumik toqqissisimanannngitsumillu misigitinneqarnissaanut pinngitsaalineqassannngitsaq.

Illersuisumik toqqaaneq, video atorlugu killisiuinermik isiginnaarnissamut pisussaaffeqartoq pillugu siunnersuuteqarnikkut, tak. imm. 4.2.2.2 qulaani, pasineqartup/unnerluutigineqartup killisiuinermik misissuinissaa aamma killisiueqqittoqarnissaanik noqqaanissamut periarfissaq pillugu siunnersuut, tak. imm. 4.2.3.2 qulaani, pineqartup inatsisitigut isumannaatsuunissaa aamma illersuinerup isumaginissaa periarfissaq Inatsisunik atortitsinermut ministeriaqarfiup isumaa malillugu eqqarsaatigineqarpoq, ministeriaqarfiullu naliliinera tassaalluni uppersaait erninnaartuusarnissaat pillugu nalinginnaasumik tunngavik saneqqunneqarsinnaasoq.

Tamanna tunngavigalugu siunnersuutigineqarpoq Kalaallit Nunaanni eqqartuussisarnermik inatsimmi meeqqamik politiit video atorlugu killisiuinerat eqqartuussutissap isumaqatigiinniutigineqarnerata nalaani uppersaaitut atorneqarsinnaaneranut erseqqissumik inatsisitigut tunngavissamik ikkussisoqassasoq.

Taamatut eqqartuussutissap isumaqatigiinniutigineqarnerata nalaani takutinneqartoq video atorlugu killisiuineq uppersaaitip qanoq pingaaruteqarnerisooq eqqartuussiviit killilersorneqannngitsumik uppersaaitinik nalilersuinerannik tunngaveqaassaaq.

§ 467 a-mut siunnersuutigineqartumut tassungalu nassuiaatinut innersuussisoqarpoq, tak. inatsisissatut siunnersuut § 2, nr. 6.

4.2.5. Eqqartuussinermut atatillugu video atorlugu killisiorneqarneq immikkut

4.2.5.1. Inatsisit atuuttut

Kalaallit Nunaanni eqqartuussisarnermi inatsimmi § 346-mit takuneqarsinnaavoq pillarneqaataasinnaasumik pisoqarsimaneranik ilimagisamik paasiniaanermut atasumik politiit killisiuisinnaasut, kisiannili politiit nassuiaasoqarnissaanik kikkulluunniit peqqusinnaanngikkaat.

Meeqqamut angajoqqaatut oqartussaaffimmik piginnittoq politiit meeqqamik killisiuinissaannut pinaaserpat, pisariaqarsinnaavoq Kalaallit Nunaanni eqqartuussisarnermi inatsimmi § 343 sioqqutsisumik uppersaanertut taaneqartoq pillugu maleruagassat malillugit eqqartuussinissaq sioqqullugu meeqqap killisiorneqarnissaa pillugu politiit eqqartuussivimmut noqqaanissaat. § 141 malillugu kinaluunniit aallaaviatigut uppersaasutut eqqartuussivimmi nassuiaateqarnissamut pisussaaffeqarpoq.

Aammattaaq Kalaallit Nunaanni eqqartuussisarnermik inatsimmi § 155, imm. 3, oqaaseqatigiinni siullernit takuneqarsinnaavoq meeqqanik 15-it inorlugit ukiulinnik eqqartuussinissaq sioqqullugu killiuisineq qanoq kimillu ingerlanneqassanersoq eqqartuussivik aalajangiissasoq. Aalajangersagaq taanna killisiuinerup assersuutigalugu politeeqarfimmi video atorlugu killisiuinissamut immikkut aaqqissuunneqarsimasumi meeraq killisiorneqassasoq, killisiuineq assersuutigalugu politiimit immikkut ilinniarsimasumit ingerlanneqassasoq, killisiuineq videomut immiunneqassasoq eqqartuussisup aalajangiisinnaaneranut ammaassivoq, aamma eqqartuussisoq immiussisarfirmiit killiunermik isiginnaassasoq. Kalaallit Nunaanni eqqartuussisarnermik inatsit eqqartuussinissaq sioqqullugu meeqqanik video atorlugu killisiuinissaq qanoq ingerlanneqassanersoq pillugu immikkut maleruagassanik imaqanngilaq.

Kalaallit Nunaanni eqqartuussisarnermi inatsimmi § 344, imm. 1, oqaaseqatigiit siulliit malitsigisaannik aallaavik tassaavoq unnerluussaq eqqartuussinissamut piareersaanerit tamaasa pillugit sapinngisamik ilisimatinneqassasoq aamma taakku isiginnaarnissaannut pisinnaatitaaffeqarluni. Eqqartuussisarnermi inatsimmi § 344, imm. 2 malillugu noqqaasoqarneratigut eqqartuussivik aalajangiisinnaavoq eqqartuussinissamut piareersarnerit ingerlanneqarneri pillugit unnerluussaq ilisimatinneqassanngitsoq, imaluunniit unnerluussaq eqqartuussivimmi ataatsimiinnermi tamakkiisumik ilaannakuusumilluunniit isiginnaarnissamut peqataassanngitsoq, pissaanillit allanertat, naalagaaffiup isumannaatsuunissaa imaluunniit suliap paasineqarnissaanut qaqutigootumik tamanna pisariaqartippagu.

4.2.5.2. Aaqqissuussineq siunnersuutigineqartoq

Meeqqamik video atorlugu killisiuinermik pasineqartup isiginnaarneranut atasinnaasut ajoqusiinerit takkussinnaapput, apeqqutaatinnagu video atorlugu killisiuineq eqqartuussinerup avataatigut politiinit killisiuinerit ingerlanneqarnera imaluunniit Kalaallit Nunaanni eqqartuussisarnermik inatsimmi § 155, imm. 3 naapertorlugu eqqartuussiviup aalajangiineratigut eqqartuussinissaq sioqqullugu killisiuisoqarpat.

Taamaattumik siunnersuutigineqarpoq Kalaallit Nunaanni eqqartuussisarnermi inatsimmi aalajangersakkamik ikkussisoqassasoq, tamatuma kingorna aallaavioq tassaalerluni unnerluutigineqartup eqqartuussinissamut piareersaanerit tamaasa isiginnaarnissaanut periarfissaqartoq, § 155, imm. 3 naapertorlugu meeqqamik video atorlugu killisiuinissaq siunertaralugu eqqartuussiviup aalajangigaanik eqqartuussinissamut piareersarnernut tamanut atuutissanngitsoq.

Taamaalilluni qulakkeerneqarpoq eqqartuussinissaq sioqqullugu meeqqanik video atorlugu killisiuinerit meeqqamut asattuussinerpaamik ingerlanneqassasut, aamma video atorlugu killisiuinerimi nangaassuteqanngitsumik sukumiisumillu nassuiaasoqarnissaanik angusaqarnissaq video atorlugu killisiuineq eqqartuussinissaq sioqqullugu eqqartuussisumit isiginnaarneqartumik video atorlugu killisiuineq ajornerulissanngitsaq.

Maluginiarneqarpoq inatsisitigut isumannaatsuunissaq eqqarsaatigalugu pasineqartoq/unnerluutigineqartoq aamma eqqartuussinissaq sioqqullugu video atorlugu killisiuinerimik illersuisuni peqatigalugu sapinngisamik piaarnerpaamik isiginnaarnissamut periarfissaqassasq aamma killisiueqqinnermi meeqqamut ilassutinik apeqquteqarsinnaalluni, tak. § 340 a, imm. 2-mi siunnersuutigineqartumi tunngaviusoq (inatsisissatut siunnersuut § 2, nr. 3), tak. imm. 4.2.3.2 qulaaniittoq.

§ 344, imm. 1, oqaaseqaatigiit pingajuannut siunnersuummut tassunga nassuiaatinut innersuussisoqarpoq, tak. inatsisissatut siunnersuut § 2, nr. 5.

5. Pisortanut aningaasatigut allaffissornikkullu kingunerisassai

Inatsisissatut siunnersuut annerusumik pisortanut aningaasatigut allaffissornikkullu kinguneqassanngitsutut nalilerneqarpoq.

6. Inuussutissarsiornermut il.il. aningaasatigut allaffissornikkullu kingunerisassai

Inatsisissatut siunnersuut inuussutissarsiornermut il.il. aningaasatigut allaffissornikkullu kinguneqassanngilaq.

7. Innuttaasunut allaffissornikkut kingunerisassai

Inatsisissatut siunnersuut innuttaasunut allaffissornikkut kinguneqassanngilaq.

8. Avatangiisinut kingunerisassai

Inatsisissatut siunnersuut avatangiisinut sunniuteqassanngilaq.

9. EU-mi inatsisinut pissutsit

Inatsisissatut siunnersuut EU-mi inatsisinut attuisinnaasunik imaqanngilaq.

10. Eqikkaalluni takussutissiaq

	Kingunerisassai pitsaasut/aningaasartuutikinneruneq	Kingunerisassai ajortut-/aningaasartuuteqarneruneq
Naalagaaffimmut, kommuninut nunallu immikkoortuinut aningaasatigut kingunerisassai	Soqanngilaq	Pingaarteqanngitsumik
Naalagaaffimmut, kommuninut nunallu immikkoortuinut	Soqanngilaq	Soqanngilaq

allaffissornikkut kingunerisassai		
Inuussutissarsiornermut aningsaatigut kingunerisassai	Soqanngilaq	Soqanngilaq
Inuussutissarsiornermut allaffissornikkut kingunerisassai	Soqanngilaq	Soqanngilaq
Avatangiisitigut kingunerisassai	Soqanngilaq	Soqanngilaq
Innuttaasunut allaffissornikkut kingunerisassai	Soqanngilaq	Soqanngilaq
EU-mut inatsisinut pissutsit	Inatsisissatut siunnersuut EU-mut inatsisinut attuumassuteqanngilaq	

11. Oqartussat il.il. tusarniaavigineqartut

Inatsisissatut siunnersuummut missingiut oqartussanut suliniaqatigiiffinnullu ukununga tusarniaatigineqarsimavoq:

Nunatta Eqqartuussivia, Kalaallit Nunaanni Eqqartuussivik, Domstolsstyrelsen, Rigsadvokaten, Rigspolitiet, Kalaallit Nunaanni Politimestereqarfik, Direktoratet for Kriminalforsorgen, Den Danske Dommerforening, Dommerfuldmægtigforeningen, Kredsdommerforeningen, Foreningen af Offentlige Anklagere, Politiforbundet i Danmark, Grønlands Politiforening, Advokatrådet, Danske Advokater, Landsforeningen af Forsvarsadvokater, Grønlandske Advokater, Forsvarerforeningen i Grønland, Institut for Menneskerettigheder, Retspolitisk Forening og Retssikkerhedsfonden.

§ 1-imut
(*Kalaallit Nunaanni pinerluttulerinermi inatsit*)

Nr. 1-imut (§ 2)

Kalaallit Nunaanni pinerluttulerinermik inatsimmi § 2 inatsisip immikkut ittup unioqquatinneqarnerani inatsisip atorneqarneranut iluarsissutaavoq. Aalajangersagaq atuuttoq imatut oqaasertaqarpoq: ”Inatsisip uumap immikkoortua siulleq pingajuallu inatsisip allap unioqquatinneranut aamma atuuppoq, allatut aalajangiisoqarsimatinnagu”.

Siunersuutigineqarpoq qallunaatuani oqaaseq ”anvendes” ”anvendelse”-imit taarserneqassaaq.

Nr. 2-imut (§109, nr. 2)

Kalaallit Nunaanni pinerluttulerinermi inatsit 2008 nutaamik oqaasertalersorneqarmat siusinnerusukkut pinerluttulerinermut inatsimmi kapitali 21, § 76-imi akiitsugaqarfimmut peqquserluuteqarneq pillugu aalajangersagaq pinerluttulerinermik inatsimmi nutaami § 109-mi ingerlateqqinneqarpoq, ataasiakkaatigut oqaasertai iluarsilaarlugit.

§ 109 malillugu akiitsugaqarfimmut peqquserluuteqartut eqqartuunneqassaaq kinaluunniit taamaaliornermigut pisassarinnngisamik imminut iluanaartinniarluni imaluunniit allat iluanaartinniarlugit 1) pigisanik nammineq pigisaminik, aamma inuup allap piginnittussaaqataaffigilersimasaanik, tunisisoq allatulluunniit iliorluni atuisoq, akuerineqarsinnaanngitsumik imaluunniit 2) sallulluni patsisissarsiornermigut, *pisuusaarnermigut*, atuivallaarnermigut imaluunniit allatut assingusumik iliuuseqarnermigut pigisaminik imaluunniit pisassarisaminik akiitsugaqarfimminut tamakkualuunniit ilaannut akiliutissatut atuinaveersaartitsisoq.

Siusinnerusukkut aalajangersakkami ”pisuusaarnermigut” eqqarsaatigalugu aalajangersakkap danskisuuani ”forstillelse” atorneqarani ”forstikkelse” atorneqarpoq. Taamatut allannortitsineq nutaamik oqaasertaliinermi siunertaasimagunangilaq, tassami § 109-mi oqaatigineqa-reersutut siusinnerusukkut aalajangersimasup imarisai ingerlateqqiinnarneqarmata.

Tamanna tunngavigalugu siunnersuutigineqarpoq aalajangersakkap danskisuuani ”forstillelse” ”forstikkelse”-mik taarserneqassasoq. Taamaaliornikkut aalajangersakkap imarisamigut allannortinneqarnissaa siunertarineqanngilaq, taamaallaalli oqaasertalerneqarneratigut iluarsisoqarluni, taamaalilluni aalajangersagaq 2008-imi aalajangersakkap nutaamik oqaasertalerneqarneranut atatillugu naatsorsuutigisatut oqaasertaqalermiassammatt, siusinnerusukkut pinerluttulerinermi inatsimmi akiitsugaqarfimmut peqquserluuteqarneq pillugu aalajangersakkamut naapertuuttunngorlugu.

Allannguutissatut siunnersuutigineqartoq taamatuttaaq danskit pineqaatissiisarnermut inatsisaanni akiitsugaqarfimmut peqquserluuteqarneq pillugu aalajangersakkamut naapertuuppoq.

Nr. 3-mut (§ 119, imm. 1)

Kalaallit Nunaanni pinerluttulerinermi inatsimmi § 119, imm. 1-imi aalajangersakkami unnerluutigisamut nalinginnaasumik pineqaatissiissutaasinnaasut taagorneqarput. Aalajangersakkap imm. 2-ani aalajangersarneqarpoq eqqartuussisuusut nalinginnaasumik pineqaatissiissutaasinnaasut imm. 1-imi taagorneqartunut taarsiullugu immikkut pineqaatissiisinnaasut sukumiinerusumik taaneqartunik, taakkununga ilanngullugu immikkut paarisassanngortinneqarnej.

§ 119, imm. 1, nr. 1-6-imi taagorneqartuni pinerluttulerinermi inatsimmi kapitalini 25-30-imi pineqaatissiissutaasinnaasut innersuussutigineqarput, tassani pineqarlutik mianersoqqussuteqarnej, akiliisinneqarnej, piumasagaasiinikkut utaqqisitamik inissiisarfimmiittussanngortitaaneq, nakkutigisassanngortitaaneq, inuiaqatigiinni sulisitaasussanngortitaaneq aamma inissiisarfimmiittussanngortitsilluni nakkutigisassanngortitaaneq. Taamaattorli taamatut taaguinermi inatsimmi kapitali 31-imut inissiisarfimmiittussanngortitsinermut tunngasusumut innersuussusisoqanngilaq.

§ 119-imi aalajangersagaq siusinnerusukkut Kalaallit Nunaanni pinerluttulerinermi inatsimmi kapitali 23, § 85-imik tunngaveqarpoq, tassani aamma taagorneqarlutik eqqartuussiviit pineqaatissiissutinik sunik aalajangersaasinnaanersut. Siusinnerusukkut § 85-iusimasumi nr. 4-mi inissiisarfimmiittussanngortitsineq innersuussutigineqarpoq.

Taamatuttaaqq Kalaallit Nunaanni eqqartuussiveqarnej pillugu isumaliutissiissutip nr. 1442/2004-p immikkoortuata XV, kapitali 2-mi oqaatigineqarpoq kapitali 31-imi malittarisassat malillugit inissiisarfimmiittussanngortitsineq nalinginnaasumik pineqaatissiissutaasoq.

Tamanna tunngavigalugu tunngaviliuttariaqarpoq § 119, imm. 1-imi kapitali 31 malillugu inissiisarfimmiittussanngortitsinerup innersuunneqannginnera siunertarineqarsimanngitsoq, taamaattumillu siunnersuutigineqarluni § 119, imm. 1-imi nr. 7-imik nutaamik ilanngussisoqassasoq inissiisarfimmiittussanngortitsinermut innersuussisumik. Allanngortitsineq inatsisip aqqissuussaananeramik iluarsiiinerinnaavoq, taamaalillunilu kapitali 31 malillugu eqqartuussi-viit pineqaatissiisinaaneranikk allanngortitsissanani.

Nr. 4-mut (kapitali 47 a)

§ 263 a siunnersuutigineqartoq piginnaatitsissutitut aalajangersagaavoq tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarnej pillugu Inatsisartut inatsisaanni malittarisassat qanoq annertutigisumik taamaaqataanik pineqartunut, pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalajangiinera naapertorlugu, tarnikkut napparsimasunut immikkoortortaniittunut atuutsinneqassanersut Inatsisunik atortitsinermut ministerip malittarisassiorsinnaananeramik piginnaatitsisoq.

Piginnaatitsissutitut aalajangersakkap parnaarusaneq aamma tarnit nappaatilerinermi allatut pinngitsaaliisarnej pillugu inatsimmi § 42-p assigaa (tarnip nappaatilerisarnermi danskit inatsisaat).

Pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalajangiinera naapertorlugu, tarnikkut napparsimasunut immikkoortortaniittut siullermik tassaapput inuit, pinerluuteqarsimasutut eqqartuunneqarnerup naammassineqarnissaanut atasumik immikkut pineqaatinneqarsimasut, unitsinneqarsimallutik imaluunniit taamatut periarfissinneqarsimasut, tak. Kalaallit Nunaanni pinerluttulerinermi inatsimmi kapitali 33. Taakku saniatigut aamma inoqarpoq, isertitsivimmi tigungmigallarneqarnermut taarsiullugu nappar-simmavimmi tarnikkut katsorsartinneqartut, tak. Kalaallit Nunaanni

eqqartuussisarnermi inatsimmi § 361, aamma inuit tarnikkut misissorneqarnissaq siunertaralugu napparsimmavimmuut unitsineqartut, tak. Kalaallit Nunaanni eqqartuussisarnermik inatsimmi § 436, imm. 3.

Piginnaatitsissutitut aalajangersagaq oqaasertamigut Kalaallit Nunaanni tarnikkut napparsimasut pillugit inatsimmi aalajangersakkat suut tarnikkut napparsimasunut eqqartuunneqarsima-sunut atorneqarsinnaanerinit naleqqiullugu killilerneqanngilaq. Napparsimasunut taakkunun-nga ilisarnaataavoq pinerlututeqarsimasunik eqqartuussisarnermi inatsit atorlugit eqqartuussiviup aalajangiinera naapertorlugu taakku tarnikkut napparsimasunut immikkoortortamiimmata, tarnikkut napparsimasut pillugit inatsimmi nammineersinnaajunnaarsitaaneq pillugu maleruagassat taakkununga atuuttussaassanngillat.

Taakku saniatigut Kalaallit Nunaanni tarnikkut napparsimasut pillugit inatsimmi napparsimasunut siunnersortit pillugit maleruagassat napparsimasunut, tamanna pillugu pinerluttulerinermi inatsimmi aalajangersakkat malillugit ikiortissatut toqarneqareersimanningsunut taamaallaat sunniuteqartussaapput.

Piginnaatitsissutitut aalajangersakkap taamatut piviusunngortinneranut assigai Danmarkimi tarnikkut napparsimasut eqqartuussaasimasut pillugit aalajangersarneqarsimasut, tak. pinerluuteqarsimasunik pillaasarnermi aalajangiineq malillugu tarnikkut napparsimasunut immikkoortortami inuit inissinneqarsimasut pillugit nalunaarut nr. 1414, 10. december 2010-meersoq.

Inatsisissatut siunnersuummi § 3, imm. 2 kingorna 1938-mi inatsit inatsisip matuma akuerineqarneratigut atorunnaarsinneqassasoq siunnersuutigineqarmat, inatsisunik atortitsinermut ministeriaqarfik, inatsit akuerineqassappat, piginnaatitsissutitut aalajangersagaq siunnersuutigineqartoq naapertorlugu nalunaarummik atulersitsissaaq, taamaattoqassappat inatsisip piffissami atulerneraniit atuutilersussaq. Inatsisissatut siunnersuummi nassuiaatini nalinginnaasuni imm. 2.2-mi innersuussisoqarpoq.

*§ 2-mut
(Kalaallit Nunaanni eqqartuussisarnermik inatsit)*

Nr. 1-imut (§ 315, imm. 1, oqaaseqatigiit aappaat)

Aalajangersakkap siunnersuutigineqartup unnerluussutip atorunnaarsinneqarnera pillugu aalajangiinerit allanngortissinnaaneri annertusivai.

Aalajangersakkap kingunerisaanik kalaallit nunaani eqqartuussisarnermik inatsimmi § 315, imm. 1, oqaaseqatigiit aappaat, unnerluussutip atorunnaarsinnera pillugit aalajangiinerit allanngortinneqarneri pillugit, nutaamik ilanngussisoqarpoq, unnerluussutip atorunnaarsinnissaa pillugu aalajangiinerit (tak. § 312) imaluunniit unnerluussutip unitsineqarnera (tak. § 313), naalagaaffiup unnerluussisuani imaluunniit inatsisunik atortitsinermut ministerimit allanngortinneqarsinnaasut, § 582, nr. 1 imaluunniit 2 malillugu suliassanngortitseqqinnermut piunnaasaqatit naammassineqarsimappata. Aalajangersagaq malillugu tamanna pillugu unnerluutigineqartumut nalunaaruteqarnissamik aalajangersimasumik piffissaliussap iluani pissasoq piunnaasaqateqanngilaq.

§ 315, imm. 1-ip annertusineqarnissaanik siunnersuut unnerluussummik atorunnaarsitsinermut naleqqiullugu taamaallaat atorneqarsinnaassaaq unnerluussutip atorunnaarsinneranut tunngasumik pineqartoq annertunerusumik pinerluuteqarsimappat. Taamatut tunngaveqarnermut naapertuuppoq unnerluussummik atorunnaarsitsineq pillugu aalajangiineri tunngavigineqarmat unnerluutigineqartup politiit isumaat malillugu pisumi

aalajangiinnermut tunngassuteqartumi pisuussuteqannginnera, aamma tunngavigineqartoq Kalaallit Nunaanni eqqartuussisarnermik inatsimmi § 581-imi piomasagaammut naapertuunnera, tamanna tunngavigalugu eqqartuussut oqaatigineqartoq taamaallat suliassanngorteqqinneqarsinnaalluni pineqartup eqqartuunneqarneranit malunnaatilimmik annertunerusumik pinerluuteqarnermi pisuusutut unnerluutigineqarpat.

§ 582, nr. 1 imaluunniit 2-mi suliassanngortitseqqinnissamut piomasagaatit naammassineqarsimappata allannngortitsisoqarsinnaanera isumaqarpoq allannngortitsisoqarsinnaasoq 1) § 580-imi piomasagaatit naammassineqarsimappata, imaluunniit 2) uppersarsaatit pingaaruteqartut saqqummiunneqarpat. Inatsisissatut siunnersuut taanna § 582, nr. 1-ip imaluunniit 2-p qanoq paasineqarnissaanik atorineqarnissaanillu allannngortitsinermik kinguneqanngilaq. Unnerluussutip atorunnaarsinneqarnerata allannngortinneqarsinnaanerata annertusinissaanik siunnersuut, suliassanngortitseqqinnermut piomasagaatit, § 582, nr. 1 aamma 2 naammassineqarsimappata, Danmarkimi taamatut aalajangiinerit allannngortinnissaannut periarfissat tun-ngaviatigut assigai.

Inatsisissatut siunnersuummi nassuiaatinut nalinginnaasuni imm. 3.2-mut innersuussisoqarpoq.

Nr. 2 (§ 321 a)

Siunnersuutigineqarpoq Kalaallit Nunaanni eqqartuussisarnermik inatsimmi aalajangersakkamk ikkussisoqassasoq, tamatuma kingorna, killisiuineq videomut immiunneqarpat (video atorlugu killisiuineq), politiit meeqqamik killisiuinerannut atatillugu illersuisussamik toqqaasoqarsinnaalluni, killisiuineq eqqartuussissutissap isumaqatigiinniutigineqarnerani uppersarsaatissatut atorineqarsinnaasutut naatsorsuutigineqarpat.

Suliani tamani meeqqanik video atorlugu killisiuinerani illersuisussatut toqparneqartoq aalajangersagassatut siunenrsuut malillugu pinngitsoorani atorineqartalissaaq, killisiuineq eqqartuussissutissap isumaqatigiinniutigineqarnerani uppersarsaatissatut atorineqarsinnaasutut naatsorsuutigineqarpat, pasineqartoq/unnerluutigineqartoq nammineerluni illersuisussamik toqqaasimangippat, imaluunniit illersuisussaq toqparneqartoq takkutinnngippat.

Kalaallit Nunaanni eqqartuussisarnermik inatsimmi kapitali 32 aalajangersagaq siunnersuutigineqartoq malillugu toqqaasarnerni atuuttussaassaaq.

Aalajangersagaq siunnersuutigineqartoq danskit eqqartuussisarnermik inatsisaanni § 731 a-mut naapertuuppoq aamma aalajangersagaq taassuma assingatut paasineqassalluni. Inatsisissatut siunnersuummi nassuiaatinut nalinginnaasuni imm. 4.2.2.2-mut innersuussisoqarpoq.

Nr. 3-mut (340 a)

Aalajangersagaq siunnersuutigineqartoq politiit video atorlugu meeqqanik killisiuineranni periuseq pillugu maleruagassanik imaqarpoq. Aalajangersagaq meeqqanut kinguaassiuutitigut atornerluineq pillugu suliani atorineqarsinnaassaaq, kisianni aamma suliani allani, meeqqamut taamatut eqqarsaatiginninnerit atuuffiini. Video atorlugu killisiuineq aalajangersimasumik naliliinikkut meeqqani aqqaneq marlunnik ikinnerusunilluunniit ukiulinni ingerlanneqarsinnaassaaq. Immikkuullarissunik pisoqarsimappat, tassunga ilanngullugu meeqqap ineriartornera aamma tarnikkut qanoq ittuunera, aamma meeqqanik angajulliunerusunik video atorlugu

killisiuisoqarsinnaassaaq. Tamatumunnga tunngatillugu inatsisissatut siunnersuummi immikkoortoq 4.2.1. innersuussutigineqarpoq.

Aalajangersagaq atuutissaaq, meeraq eqqunngitsuliorfigineqartoq imaluunniit ”susassaqqanngitsoq”, pinerluutaasinnaasumik isiginnaarsimappat.

§ 340 a, imm. 1 siunnersuutigineqartoq malillugu illersuisoq – politiit meeqqamik killisiuip-pata, killisiuineq videomut immiunneqarpat (video atorlugu killisiuineq), killisiuineq eqqartuussissutissap isumaqatigiinniutigineqarnerani uppenarsaatissatut atorneqarsinnaasutut naatsorsuutigineqarpat – video atorlugu killisiuinerup nalaani najuuttussaavoq. Taamaalilluni paatsuugassaangitsumik takuneqarsinnaassaaq, illersuisoq meeqqamik video atorlugu killisiuinermik taamaallaat isiginnaaginnassanngitsoq, kisianni illersuisoq killisiuinermik isiginnaarnissaminut pisussaaffeqartoq. Taamaalilluni qulakkeerneqarpoq pasineqartup/unnerluutigineqartup imaluunniit iliuuseqartup ilisimaneqqanngitsup soqutigisai meeqqamik killisiuinerup nalaani isumagineqarnissaat, pineqartoq nammineerluni killisiuinermik isiginnaanngikkaluarluni.

Illersuisup video atorlugu killisiuineq immiussisarfimmiit inimit allamiit (immiussisarfimmiit) isiginnaartussaassavaa aamma politii killisiuisoq aqqutigalugu meeqqamut apeqquteqarsinnaalluni.

Suliami unnerluussummik politiit tigusaqarnerisa kingunitsiannguani illersuisoq meeqqamik video atorlugu killisiuinermi peqataanissamat periarfissaqqanngippat, Kalaallit Nunaanni eqqartuussisarnermik inatsimmi kapitali 32-mi maleruagassat malillugit, pasineqartumut/-unnerluunneqartumut illersuisussamik nutaamik toqqaasoqarnissaa eqqartuussiviup noqqaassutigissavaa. Tassunga atatillugu nassuiaatini nalinginnaasuni imm. 4.2.2.2-mut innersuussisoqarpoq. Video atorlugu killisiuineq sumiiffimmi illersuisup sumiiffiginngisaani ingerlanneqarneranik illersuisup peqataasinnaannginneranut pissutaappat paarlattuanik illersuisumut sumiiffimmi taartaassamik toqqaasoqarsinnaavoq, tak. Kalaallit Nunaanni eqqartuussisarnermik inatsimmi § 328, imm.1.

§ 340 a, imm. 2 siunnersuutigineqartoq malillugu pasineqartoq/unnerluutigineqartoq killisiuinermik isiginnaarnissamat periarfissaqqanngilaq. Akerlianilli pineqartoq illersuisuni peqatigalugu piaarnerpaamik videomik immiussamik politiini misissuinissamat periarfissaqarpoq. Meeqqap killisioqqinneqarnissaa pillugu pineqartumiit imaluunniit taassuma illersuisuaniit noqqaassut tamatuma kingorna piaarnerpaamik sqqummiunneqassaaq.

Pasineqartoq/unnerluutigineqartoq taamaalilluni meeqqap killisiorneqarneranik isiginnaarnissamat piumasaqarsinnaanngilaq – aamma immiussisarfimmiit. Tamatuma malitsigisaanik pasineqartoq/unnerluutigineqartoq, pineqartup meeqqamik killisiuinermik isiginnaarsinnaannginnera innersuussutigalugu, kingusinnerusukkut isumaqatigiinniarnepup nalaani video atorlugu killisiuinerup uppenarsaatitut atorneqarnissaa qularutigalu oqaatigisinnaanngilaa.

Akerlianilli pasineqartoq/unnerluussaq tamatuma kingorna illersuisuni peqatigalugu video atorlugu killisiuinerup misissorneqarnissaanut piumasaqarsinnaavoq taamaalillunilu meeqqap nassuiaataa ilisimalerlugu. Pasineqartoq/unnerluussaq misissuinermini naliliisinnaavoq meeqqap nassuiaataa pissutigalugu meeqqamut apeqquteqaqqittoqarnissaa noqqaassutigisinnaavaa. Misissuineq meeraq eqqarsaatigalugu killisiuinerup kinguninnguatiqut piaarnerpaamik pisariaqarpoq, misissuinerq tunuliaqutaralugu killisiorneqaqqinnissamat aggersarneqarluni, aamma suliap paasiniaaffigeqqinnissaa eqqarsaatigalugu. Anguniarneqartariaqarpoq immiussinerup kingorna sapinngisamik

piaarnerpaamik pasineqartoq/unnerluutigineqartoq video atorlugu killisiuineramik isiginnaassasoq – ajornangippat ulloq taanna sapinngisamillu killisiuereernerup kingorna sapaatip akunnera ataatsip marlullu akornanni.

Pasineqartup/unnerluutigineqartup video atorlugu killisiuineramik misissuinissaq kissaatigippagu, pequtissaqarlunilu taamaaliornissaminut pisinnaangippat, assersuutigalugu napparsimaneq imaluunniit tunngavissaqartumik nunani allamiinneq pissutigalugu, pisinnaajunnaarnerup qaangiunnerata kingorna piaarnerpaamik pineqartumut videomik immiussaq takutinneqassaaq.

Video atorlugu killisiuineramik pasineqartoq/unnerluutigineqartoq misissuerusunnersoq tamanna nammineq aalajangigassaraa. Video atorlugu immiussaq pasineqartumit/unnerluutigineqartumit takuneqarusunngippat imaluunniit misissuinissaq pillugu politiit saaffiginnissutaat qanoq iliuseqarfiginngippagu, tamanna pissutigalugu pasineqartup/unnerluu-tigineqartup isumaqatigiinniarnermi suliap ingerlanerani video atorlugu killisiuinerup uppersaatitut atorneqarnissaa uparuarsinnaangilaa.

Pasineqartoq/unnerluutigineqartoq taassumalu illersuisua, video atorlugu killisiuinerup misissornissaa pasineqartumit/unnerluutigine-qartumit atorneqarusunnginnerata kingusinnerpaamik peqatigisaanik, ilisimatinneqassaaq, video atorlugu killisiuinerup uppersaatitut atorneqarnera tamatuma kingorna uparuarne-qarsinnaangitsoq, pasineqartup/unnerluutigineqartup isumaqatigiinniarnissaa sioqqullugu video atorlugu killisiuineramik takunnissimanginnera innersuussutigalugu. Videomik immiussap takuneqarnissaa pillugu politiit saaffiginnissutaannut pasineqartoq/unnerluutigineqartoq qanoq iliuseqanngippat, nutaamik pasineqartumut taassumalu illersuisuanut saaffiginnittoqarneratigut video atorlugu killisiuineramik isiginnaarnissaa tassanilu siunertaq pillugu ilitersuummik pasineqartup/unnerluutigineqartup tigusaqarnissaa qulakkeerneqassaaq. Tamatuma kingorna pineqartoq/unnerluutigineqartoq video atorlugu killisiuineramik isiginnaarusunngippat, illersuisoq ilisimatinneqartariaqarpoq pasineqartoq/unnerluutigineqartoq videomik immiussamik isiginnaarusunngitsoq imaluunniit politiit saaffiginnissutaannut qisuariarsimangitsoq.

Aalajangersakkamut siunnersuutigineqartumut aallaavisoq tassaavoq pasineqartup/unnerluutigineqartup videomik immiussamik misissuina politii ingerlanneqassasoq, taamaalilluni politiinit uppersararneqarsinnaalluni pasineqartup/unnerluutigineqartup videomik immiussaq eqqartuussinissaa sioqqullugu takuneqartoq. Pasineqartup/unnerluutigineqartup videomik immiussaq illersuisumi takuppagu, illersuisumiillu nalunaaruteqarnikkut tamanna politiinut uppersararneqarpat, videomik immiussap politiini misissorneqarnissaa pinngitsoorneqarsinnaavoq.

§ 340 a, imm. 2-mi siunnersuutigineqartoq malillugu pasineqartoq/unnerluutigineqartoq taassumaluunniit illersuisua taaneqareersutut meeqqap killisioqqinneqarnissaa piumasarisinnaavaa. Pasineqartoq/unnerluutigineqartoq taamaalilluni meeqqamut apeqquteqarnermigut illersornini isumagisinnaavaa, meeqqap nassuiaataa kingusinnerusukkut isumaqatigiinniarnermi uppersaatitut atorneqarnissaa naatsorsuutigineqarpat.

Killisiueqqinneq meeraq eqqarsaatigalugu taamaallaat pissaaq, pasineqartup/unnerluutigineqartup illersornerminik isumaginninneranik naammaginartumik tunngavilersorneqarpat. Killisiueqqittoqassanersoq aalajangersimasumik naliliinikkut aalajangerneqassaaq, ilaatigut meeqqap siullermik killisiorneqarnerata kingorna nutaanik paasissutissanik saqqummertoqarsimanersoq pingaartinneqarluni, pasineqartup/unnerluutigineqartup taassumalu illersuisuata meeqqamut naleqquttunik nutaanik apeqquteqartoqarnissaa kissaatigineqarnerasoq, imaluunniit allatigut killisiueqqinnissamut immikkuullarissanik tunngavissaqarnerasoq.

Aalajangerneqarpat meeraq nutaamik killisiorneqassasoq, tamanna politiini video atorlugu killisiuinnermut tapertatut ingerlanniarneqassaaq imaluunniit – meeqqap qanoq ukioqarnera aamma angajoqqaatut oqartussaassuseqartup tamatumunnga isummerner apeqputaatillugu – eqqartuussivimmi. Meeqqamik video atorlugu tapertaasumik killisiuinnermi pasineqartoq isiginnaarnissamut piunasaqarsinnaanngilaq.

Killisiueqqittoqarnissaa pillugu piunasaqarneq meeqqamik siullermik killisiuinnermi pasineqartumit misissuisoqarneraniit piaarnerpaamik aallaaviatigullu sapaatit akunneri marluk iluanni saqqummiunneqassaaq.

Kingusinnerusukkut killisiueqqittoqarnissaa pillugu noqqaasoqarpat, killisiueqqinnerup ingerlanneqarnissaa pillugu naliliinnermi meeqqap eqqarsaatiginera pissutigalugu – pingaartumik siullermi killisiuereernerup kingorna piffissap ingerlasimanera pissutigalugu – kingumut meeqqamik killisiueqqittoqassanngitsoq. Aammattaaq nalilersuinnermut ilaatinneqassaaq killisiueqqittoqarnissaanik noqqaassuteqarnermi suna tunuliaqutaanersoq, tassunga ilanngullugu pasineqartup/unnerluutigineqartup nammineq atugarisaanik peqquteqarnersoq.

Siullermik pisariaqartitsinermik tamatumunngalu tunngavilersuummik nalilersuereernikkut killisiueqqittoqarnissaa pillugu noqqaaneq akuerineqarsinnaanersoq politiit naliliissapput.

Video atorlugu killisiuinnerup ingerlanneqarnera pillugu politiit/unnerluussisut aamma pasineqartup/unnerluutigineqartup taassumalu illersuisuata akornanni isumaqatigiinngissutaasinnaasoq, tassunga ilanngullugu killisiueqqittoqassanersoq pillugu apeqput, Kalaallit Nunaanni eqqartuussisarnermik inatsimmi § 341 malillugu eqqartuussivimmut suliaassanngortinneqassaaq.

Tamatuma kingorna meeqqamik killisiueqqinnerup pasineqartumit/unnerluutigineqartumit misissorneqarsinnaassaaq.

§ 340 a siunnersuutigineqartoq danskit eqqartuussisarnermik inatsisaanni § 745 e-mut naapertuuppoq aalajangersagarlu taanna assigalugu paasineqassalluni.

Inatsisissatut siunnersuummi nassuiaatinut nalinginnaasuni imm. 4.2.3.2-mut innersuussisoqarpoq.

Nr. 4-mut (§ 344, imm. 1, oqaaseqatigiit aappaat)

Kalaallit Nunaanni eqqartuussisarnermik inatsimmi § 344, imm. 1, oqaaseqatigiinni siullerni aalajangersarneqarpoq pinerluuteqartoqarsimaneranik paasiniaanerup nalaani eqqartuussinissamut piareersarnerit tamaasa pillugit pasineqartoq sapiingisamik ilisimatinneqassaaq aamma taakkuninnga isiginnaarnissamut pisinnaatitaaffeqarluni. Tamanna imm. 1, oqaaseqatigiit siulliit malillugit kpitalini 36 aamma 37-mi kiisalu §§ 417-427-mi pinngitsaaliissuteqarnikkut akuliunnissaq pillugu eqqartuussiviup siumoortumik aalajangiinissaata anguneqarnissaa siunertaralugu eqqartuussinissamut piareersarnermut atuutinngilaq.

Kalaallit Nunaanni eqqartuussisarnermik inatsimmi kapitali 37-miippat §§ 417-427, inatsisillu oqaasertaani aalajangersakkanut innersuussineq taamaalilluni immikkoortunik imaqaanngilaq. Tamanna tunuliaqutaralugu siunnersuutigineqarpoq §§ 417-427-mut innersuussineq aalajangersakkamiit peerneqassasoq.

Allannguutissatut siunnersuut taamaalilluni oqaasertamik allannguinerinnaavoq taamaalillunilu aalajangersakkap imarisaatigut allannguinerunani.

Nr. 5-mut (§ 344, imm. 1, oqaaseqatigiit pingajuat)

Siunnersuutigineqarpoq Kalaallit Nunaanni eqqartuussisarnermik inatsimmi § 344, imm. 1-mi aalajangersakkamik ikkussisoqassasoq, unnerluunneqartoq eqqartuussinissamut piareersarnernik isiginnaarsinnaanani, meeqqap killisiorneqarnissaa siunertaralugu ingerlanneqartuni, eqqartuussiviup § 155, imm. 3 malillugu aalajangersimappagu killisiuineq videomut immiunneqarpat.

Unnerluunneqartoq – § 340 a-mi siunnersuutigineqartoq, tak. inatsisissatut siunnersuummi § 2, nr. 3, politiini eqqartuussivik avaqqullu video atorlugu killisiusineranut atuuttut naapertorlugit – meeqqamik killisiuineramik isiginnaarnissamut pisinnaatitaaffeqanngilaq – aamma immiussisarfimmiit.

Tassani tunngavigineqarpoq saneqqussineq taamaallat video atorlugu killisiuineq isumaqatigiinniarnep nalaani uppersaaitut atorneqarnissaa ilimagineqartillugu atorneqarsinnaavoq aamma Kalaallit Nunaanni eqqartuussisarnermik inatsimmi § 340 a-mi siunnersuutigineqartumi maleruagassat naapertorlugit allani ingerlatani.

Pasineqartoq/unnerluutigineqartoq taamaalluni eqqartuussinissaq sioqqullugu video atorlugu killisiuinerup kingorna videomik immiussamik illersuisuni peqatigalugu misissuisinnaavoq aamma killisiueqqittoqarneratigut meeqqamut ilassutinik apeqquaqarsinnaalluni, § 340 a, imm. 2, oqaaseqatigiit aappaanni pingajuannilu tunngavisat tak.

Aalajangersagaq siunnersuutigineqartoq danskit eqqartuussisarnermik inatsisaanni § 748, imm. 1, oqaaseqatigiit pingajuannut naapertuuppoq, tassani aalajangersagaq assigalu paasineqassalluni.

Inatsisissatut siunnersuummi nassuiaatini nalinginnaasuni imm. 4.2.5.2-mut innersuussisoqarpoq.

Nr. 6-mut (§ 467 a)

Siunnersuutigineqarpoq Kalaallit Nunaanni eqqartuussisarnermik inatsimmi aalajangersakkamik ikkussisoqassasoq killisiuineq videomut immiunneqarsimappat politiit meeqqamik killisiuinerat eqqartuussissutissap isumaqatigiinniutigineqarnerani uppersaaitut atorneqarsinnaaneranik erseqqissumik tunngavissiisumik.

Isumaqatigiinniarnep nalaani video atorlugu killisiuineq uppersaaitut atorneqarnera – meeqqap eqqartuussisunut takunnissimasatut nassuiaammik saqqummiussinissaanut taarsiullugu – erniinnaartumik uppersaaneq pillugu tunngavimmiit saneqqussinerummat, tunngavigineqarpoq § 340 a-mi siunnersuutigineqartumi periuseq, inatsisissatut siunnersuummi § 2, nr. 3 tak., video atorlugu killisiuineranut atatillugu malinneqarsimanissaa. § 340 a-mi siunnersuutigineqartumi piomasqaatit tunngaviusut saneqqunneqarsimappata, video atorlugu killisiuisimaneq aallaaviatigut isumaqatigiinniarnermi uppersaaitut atorneqassanngilaq. Meeqqamik video atorlugu killisiuinerup nalaani pasineqartoq/unnerluutigineqartoq sinnerlugu illersuisoqarsimanngippat, imaluunniit pasineqartoq/unnerluutigineqartoq video atorlugu killisiuineramik misissuinissamut periarfissinneqarsimanngippat, video atorlugu killisiuineq aallaaviatigut uppersaaitut atorneqartariaqanngilaq.

Video atorlugu killisiuinerup naammassineqarnerata kingorna illersuisup taarserneqarnera video atorlugu killisiuinerup isumaqatigiinniarnepup nalaani uppersaaitit atorneqarsinnaaneranut sunniuteqassanngilaq.

Pasineqartoq/unnerluutigineqartoq illersuisumi taarserneqarnissaa toqqarpagu (imaluunniit allanik peqquteqartumik illersuisoq taarserneqarpat) taamaalilluni tamatuma kingunerissanngilaa taamaallaat tamanna tunngavigalugu meeqqamik kingumut killisiuisoqassanngilaq.

Video atorlugu killisiuineq eqqartuussutissap isumaqatigiinniutigineqarnerani uppersaaitit atorneqarsinnaanersoq video atorlugu killisiuinerup atatillugu najoqqutassiap taamaattoqartillugu saneqqunneqarsimanerata ilusaa pingaaruteqarneralu apequtaassaaq. Assersuutigalugu najoqqutassiisumik meeqqamut apequtit imaluunniit killisiuinerup inummik toqqissisimalersitsisumik akuliuttoqarnera, nalinginnaasumik kingunerisussaannngilaa video atorlugu killisiuineq suliap ingerlanerata nalaani uppersaaitit atorneqarsinnaannginnera.

Killilersorneqanngitsumik uppersaaitinik nalilersuineq pillugu tunngavik naapertorlugu taamaalillni eqqartuussiviup aalajangissavaa – taamaattoqassappat qanoq annertutigisumik – video atorlugu killisiuinerup ingerlanneqarnerani kukkunerit taamatut ittut killisiuinerup uppersaaitit nalinganut pingaaruteqartariaqarnerasoq.

Aalajangersagaq siunnersuutigineqartoq danskit eqqartuussisarnermik inatsisaanni § 872-mut naapertuuppoq aalajangersagarlu taanna assigalugu paasineqassalluni.

Inatsisissatut siunnersuummi nassuiaatinut nalinginnaasuni imm. 4.2.4.2-mut innersuussisoqarpoq.

§ 3-mut

Imm. 1-imi siunnersuutigineqarpoq inatsit ulloq 1. juli 2014-mi atulersinneqassasoq.

Aalajangersakkap kinguneraa meeqqamik video atorlugu killisiuineq, inatsisip atulersinnerata kingorna ingerlanneqartoq, Kalaallit Nunaanni eqqartuussisarnermik inatsimmi §§ 321 a aamma 340 a siunnersuutigineqartut, tak. inatsisissatut siunnersuut § 2, nr. 2 aamma 3, malillugit ingerlanneqartussaassapput.

§ 476 a siunnersuutigineqartoq, tak. inatsisissatut siunnersuut § 2, nr. 6, video atorlugu killisiuinerup uppersaaitit atorneqarnera inatsisip atulersinneqarnerata kingorna ingerlanneqartunut eqqartuussutissap isumaqatigiinniutigineqarneranepup atuutissaaq. Taamaalilluni aamma siunnersuutigineqartut §§ 321 a aamma 340 a atulersinnissaat sioqqullugu video atorlugu killisiuilluni immiussinernut atuutissaaq. Tassanili tunngavigineqarpoq siunnersuutigineqartoq § 467 a taamaallaat inatsisip atulersinnissaa sioqqullugu imatut naammassineqartunut, manna tikillugu maleruagassanut atuuttunut eqqartuussivimmi uppersaaitit atorneqarsinnaassallutik video atorlugu killisiuinerup atorneqarsinnaavoq.

Imm. 2-mi aalajangersakkami siunnersuutigineqarpoq inuit tarnikkut napparsimasut napparsimmavimmiitinneqartarnerat pillugit inatsisip nr. 118, 13. april 1938-meersup ilai, peqqinnissaqarfik pillugu inatsisip allanngortinneqarnera pillugu inatsisikkut nr. 1406, 27. december 2008-mi namminersorlutik oqartussat akisussaaffigisaannut nuunneqanngitsut, inatsisip atulersinneratigut atorunnaarsinneqartut. Tassani pineqarput 1938-mi inatsisip ilai inunnik ulorianarlunnartunik inissiineq aamma napparsimasunik eqqartuussivikkut aalajangiisoqarneratigut unitsinneqartut pillugit maleruagassanut tunngasut.

§ 1, nr. 3-mut nassuiaatini taaneqartutut inatsisinik atortitsinermut ministeri, inatsit akuerineqassappat, pinerluttulerinermi inatsimmi § 263 a-mi piginnaatitsinermut aalajangersagaq siunnersuutigineqartup malitsigisaanik, nalunaarummik atortuusilersitsissaaq taamaattoqartillugu inatsisip piffissami atulersiffianiit atuutilersussaq. Aalajangersakkami imm. 3-mi siunnersuut malillugu inatsisissatut siunnersuummi § 2, nr. 1-imi unnerluussutit atorunnaarsinneqarnerata allanngortinnissaa, suliassanngortitseqqinnis-samut piunasaqaatit naammassineqarsimappata, taamaallaat unnerluussutip tunuartinneqarneranik aalajangiinernut (tak. § 312 imaluunniit tak. § 313) inatsisip atuutilernerata kingorna pisunut atorneqassasoq.

Inatsisissatut siunnersuut inatsisinut atuuttunut sanilliullugu

Oqaasertalerneqarnera atuuttoq

Inatsisissatut siunnersuut

§ 1

Kalaallit Nunaanni pinerluttulerinermi inatsimmi, tak. inatsit nr. 306 ulloq 30. april 2008-meersoq, makku allangortinneqassapput:

§ 2. Inatsisip uuma immik-koortua siulleq pingajuallu inatsisip allap unioqqutinnerani aamma atuutissapput allatut aalajangiisimasoqartinnagu.

1. § 2-p qallunaatuani "anvendes" "anvendelse"-mut allangortinneqassaaq.

§ 109. Akiitsugaqarfimmut peqquserluuteqartutut eqqartuunneqassaaq kinaluunniit taamaaliormigut pisassarinnigisamik imminut iluanaartinniarluni imaluunniit allat iluanaartinniarlugit

2. Inatsisip qallunaatuani § 109, nr. 2-mi "forstillelse" allangortinneqassaaq imaalillugu: "forstikkelse".

1) ...
2) sallulluni patsisissarsiornermigut, pisuusaarnermigut, atuivallaarnermigut imaluunniit allatut assingusumik iliuseqarnermigut pigisaminik imaluunniit pisassarisaminik akiitsugaqarfimminut tamakkualuunniit ilaannut akiliutissatut atuinaveersaartitsisoq.

§ 119. Eqqartuussisuusut aalajangiisinnaapput makkuninnga:

- 1) Mianersoqqusineq, tak. kapitali 25.
- 2) Akiliisitsineq, tak, kapitali 26.
- 3) Piumasaqaasiinikkut utaqqisitamik inissiisarfirmiittussanngortitsilluni eqqartuussissut, tak. kapitali 27.
- 4) Nakkutigisassanngortitsilluni eqqartuussissut, tak. kapitali 28.
- 5) Inuiaqatigiinnik kiffartuussisussanngortitsilluni eqqartuussissut, tak. kapitali 29.
- 6) Inissiisarfirmiittussanngortitsilluni nakkutigisassanngortitsillunilu

3. § 119, imm. 1-imi nr. 7-itut ilanngunneqassaaq: "7) Pineqaatissinneqarsimasunut inissiisarfirmut inissinneqarneq, tak. kapitali 31."

eqqartuussissut, tak, kapitali 30.

Imm. 2. ...

4. § 263-ip kingornanut kapitalitut nutaatut ilanngunneqassaaq:

”Kapitali 47 a

*Nappaatillit pinerluttulerinermi inatsisit
naapertorlugit aalajangiinerit malillugit
inissinneqarsimasut*

§ 263 a. Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisaanni malittarisassat qanoq annertutigisumik taamaaqataanik pineqartunut, pinerluuteqarsimasunik eqqartuussisarnermi inatsisini periarfissat atorlugit eqqartuussiviup aalangiinera naapertorlugu, tarnikkut napparsimasunut immikkoortortaniittunut atuutsinneqassanersut Inatsisinik atortitsinermut ministeri malittarisassiussaaq.”

§ 2

Kalaallit Nunaanni eqqartuussisarnermik inatsimmi, tak. inatsit nr. 305, ulloq 30. april 2008-meersoq, inatsisikkut nr. 1388-ikkut, ulloq 23. december 2012-imeersukkut allanngortinneqartumi, makku allanngortinneqassapput:

1. § 315, imm. 1, oqaasseqatigiit aappaanni ”akornuserneqanngippat” kingornanut ilanngunneqassaaq: ”, imaluunniit § 582, nr. 1 imaluunniit 2, malillugit suliassap suliareqqinneqarsinnaaneranut piumasaaqatit naammassineqarsimappata.”

§ 315. Unnerluussuteqarnissamik aalajangerneq imaluunniit §§ 312-313 malillugit aalajangerneq allanngortinneqarsinnaavoq rigsadvokatimit imaluunniit inatsiseqarnermut ministerimit. Taamaattorli unnerluussummik taamaatitsisoqartillugu imaluunniit unnerlussinissamik tunuartitsisoqartillugu allannguuteqartitsinissaq aatsaat pisinnaavoq tamatuminnga nalunaarut pasisamut nalunaarutiginnissutaassappat, unnerluussummik taamaatitsinerup

imaluunniit unnerluussinissamik
tunuartitsinerup pineqartumut
nalunaarutaareerneraniit kingusinnerpaamik
qaammatit pingasut qaangiutsinnagit,
piffissaq eqqorlugu nalunaarutiginninnissaq
pasisap atugarisaanit akornuserneqanngippat.
Imm. 2. ...

2. § 321-ip kingornanut ilanngunneqassaaq:
”§ **321 a.** Politiit videumut
immiunneqartumik (video atorlugu
killisiorneqarneq) meeqqamik killisiuinerat
eqqartuussissutissap
isumaqatigiinniutigineqarnerani
uppersaatissatut atorneqarsinnaasutut
naatsorsuutigineqarpat, taava
killisiuisoqartinnagu pineqartoq pasineqartoq
unnerluutigineqartorluunniit imaluunniit
kingusinnerusukkut pasineqarluniluunniit
unnerluutigineqarsinnaasoq, pineqartoq
nammineq illersuisussaminik
toqqaasimanngippat imaluunniit
illersuisussatut toqqarneqarsimasoq
takkutinngitsoorpat, pineqartup
illersuisussaanik toqqaasoqassaaq.”

2. § 340-p kingornanut qulequttap
siornagut § 341 sioqqullugu
ilanngunneqassaaq:

*Meeqqanik videukkut killisiuinermi
periusissaq*

”§ **340 a.** Politiit videumut
immiunneqartumik meeqqamik killisiuinerat
eqqartuussissutissap
isumaqatigiinniutigineqarnerani
uppersaatissatut atorneqarsinnaasutut
naatsorsuutigineqarpat, taava illersuisoq
video atorlugu killisiuineranut najuutissaaq.
Imm. 2. Pineqartoq pasineqartoq
unnerluutigineqarsimasorluunniit video
atorlugu killisiuinermik

§ 344. Pasisaq eqqartuussinissat tamaasa pillugit ajornanngippat ilisimatinniarneqartassaaq taakkunungalu najuunissaminut piginnaatitaassaaq. Tamanna atuutissanngilaq eqqartuussinernut kapitalit 36 aamma 37 kiisalu §§ 417-427 malillugit pinngitsaaliinikkut iliuseqarnissaq pillugu eqqartuussisut aalajangiinissaat siunertaralugu ingerlanneqartunut tunngatillugu. Pasisaq tigummigallagaappat politiit pineqartoq eqqartuussinermi najuutsinngitsoorsinnaavaat, najuutsitsinissaq naleqqutinngitsunik ajornartorsiutitaqassappat.

Imm. 2-4. ...

malinnaatinneqarsinnaanngilaq. Pineqartoq piaarnerpaamik periarfissinneqassaaq illersuisuni peqatigalugu video atorlugu immiussamik politeeqarfimmi isiginnaarnissaminut. Meeqqap killisioqqinneqarnissaanik pasineqartoq unnerluutigineqartorluunnit, taassumaluunniit illersuiua, piumasaqassappat, taamatut piumasaqarneq videumik isiginnaarnerup kingorna piaarnerpaamik saqqummiunneqassaaq.”

4. § 344, imm. 2, oqaaseqatigiit aappaanni ”kiisalu §§ 417-427” atorunnaarput.

5. § 344, imm. 1-imi oqaaseqatigiit aappaata kingornanut ilanngunneqassaaq: ”Tamanna aamma atuutissanngilaq meeqqap killisiorneqarnissaa siunertaralugu eqqartuussinissamut piareersarnerni, eqqartuussiviup § 155, imm. 3 malillugu aalajangersimappagu killisiuineq videumut immiunneqassasoq.”

6. § 467-ip kingornanut ilanngunneqassaaq: ”§ **467 a.** Killisiuineq videumut immiunneqarsimappat (video atorlugu killisiorneqarneq) politiit meeqqamik killisiuinerat eqqartuussissutissap isumaqatigiinniutigineqarnerani uppersaatitut atorneqarsinnaavoq.”

§ 3

Imm. 1. Inatsit ulloq 1. juli 2014 atuutilissaaq.

Imm. 2. Tarnikkut napparsimasut napparsimmavimmiitinneqartar-nerat pillugu inatsit nr. 118, ulloq 3. april 1938-meersoq atorunnaarsinneqarpoq.

Imm. 3. § 2, nr. 1 taamaallaat atuutissaaq unnerluussutip tunuartinneqarneranik aalajangiinernut inatsisip atuutilernerata kingorna pisunut.

